

NYIMBO

ZA

KRISITO

SDA

Rewritten by Holasi Grayson Milambo

Wakati wa kufungua Kitabu cha Nyimbo za Mungu, unaingia katika maneno mazuri yanayokupa nguvu ya kufanya ibada, na kutafakari juu ya ukuu wa Mungu.

Mkusanyiko huu wa nyimbo ni chanzo cha msukumo wa kukumbusha nguvu na upendo wa Mungu. Ni safari kupitia hisia na uzoefu wa roho ya mwana-damu, na sherehe ya imani ambayo inatuunga mkono.

Unaposoma na kupitia nyimbo hizi, utapata faraja, na matumaini katikati ya changamoto za maisha.

Kitabu cha Nyimbo ni Agano la Uaminifu wa Mungu na kutafakari kwa hamu ya kibinadamu ya uhusiano na Mungu. Ni mawaidha ya kushukuru kwa baraka katika maisha yetu na kutafuta nguvu na mwongozo wakati wa mapambano.

Kitabu cha nyimbo za Mungu ni mwanzo wa hazina ya hekima, imani, na kujitolea ambayo inaongea na moyo na roho. Ni mawaidha ya nguvu ya muziki na mashairi ya kuinua roho na kutupatia ukaribu na Mungu.

Ikiwa unatafuta faraja, furaha, au Amani, mkusanyiko huu wa nyimbo utakuhimiza na kukuinua katika safari yako ya imani.

Kwa hiyo, fungua Kitabu cha Nyimbo za Mungu na uiache roho yako ijazwe na uzuri na upendo wa Mungu.

001-Mtakatifu, Mtakatifu, Mtakatifu
Holy, Holy, Holy (SDAH73)
Doh ni E

Umtakatifu! Mungu Mwenyezi!
Alfajiri sifa zako tutaimba;
Umtakatifu, Bwana wa huruma,
Mungu wa vyote hata milele.

Umtakatifu! Na malaika
Wengi sana wanakuabudu wote;
Elfu na maelfu wanakusujudu
Wa zamani na hata milele.

U mtakatifu! Ingawa giza
Lakuficha fahari tusiione,
U mtakatifu! Wewe peke yako
Kamili kwa uwezo na pendo.

002-Twamsifu Mungu
We Praise Thee, O God
Doh ni G

Twamsifu Mungu, Mwana wa upendo,
Aliyetufia na kupaa juu.

CHORUS

Aleluya! Usifiwe, aleluya! Amin;
Aleluya usifiwe, utubariki.

Twamsifu mungu, roho mtukufu,
Akatufunulia mwokozi wetu.

Twamsifu mwana, aliyetufia,
Akatukomboa na kutuongoza.

Twamsifu mungu, wa neema yote,
Aliyetwaa dhambi, akazifuta.

Tuamshe tena, tujaze na pendo.
Moyoni uwashe moto wa roho.

003-Mungu Atukuzwe
To God Be The Glory (SDAH 341)
Doh ni A b

Mungu atukuzwe, kwa mambo makuu,
Upendo wake ulitupa yesu,
Aliyejitoa maisha yake,
Tuwe nao uzima wa milele.

CHORUS

Msifu, msifu dunia sikia;
Msifu, msifu, watu wafurahi;
Na uje kwa baba, kwa Yesu Mwana
Ukamtukuze kwa mambo yote.

Wokovu kamili zawadi kwetu,
Ahadi ya Mungu kwa ulimwengu;
Wanaomwamini na kuungama,
Mara moja wale husamehewa.

Alitufundisha mambo makuu,
Alihakikisha wokovu wetu;
Lakini zaidi ajabu kubwa,
Yesu atakuja na tutamwona.

004-Jina la Yesu, Salamu
All Hail The Power (SDAH229)
Doh ni G

**Jina la Yesu, salamu! Lisujudieni,
Ninyi mbinguni hukumu, Na enzi mpeni.
Ninyi mbinguni hukumu, Na enzi mpeni.**

**Enzi na apewe kwenu, watetea dini;
Mkuzeni bwana wenu, Na enzi mpeni.
Mkuzeni bwana wenu, Na enzi mpeni.**

**Enyi mbegu ya rehema nanyi msifuni;
Mmeponywa kwa neema, Na enzi mpeni.
Mmeponywa kwa neema, Na enzi mpeni.**

**Wenye dhambi kumbukeni ya msalabani.
Kwa furaha msifuni, Na enzi mpeni.
Kwa furaha msifuni, Na enzi mpeni.**

**Kila mtu duniani msujudieni,
Kote-kote msifuni, Na enzi mpeni.
Kote-kote msifuni, Na enzi mpeni.**

**Sisi na wao pamoja tu mumo sifani.
Milele sifa ni moja, ni 'enzi mpeni'.
Milele sifa ni moja, ni 'enzi mpeni'.**

**005-Na Tumwabudu Mfalme
Mtukufu
O Worship The King (SDAH83)
Doh ni A**

**Na tumwabudu huyo Mfalme,
Sifa za nguvu zake zivume;
Ni ngao ni ngome Yeye milele,
Ndizo sifa zake kale na kale.**

**Tazameni ulimwengu huu,
Ulivyoubwa ajabu kuu;
Sasa umewekwa pahali pake,
Hata utimize majira yake.**

**Kwa ulinzi wako kwetu Bwana,
Twakushukuru U mwema sana;
Hupewa chakula kila kiumbe,
Kila kitu kina mahali pake.**

**Wanadamu tu wanyonge sana,
Twakutumaini Wewe Bwana;
Kamwe haupungui wako wema,
Mkombozi wetu Rafiki mwema.**

006-Kumekucha Kwa Uzuri
The Morning Bright With Rosy Light
Doh ni A?

**Kumekucha kwa uzuri. Nafumbua macho;
Baba amenihifadhi, Ni wake mtoto.**

**Bwana ni leo kutwa Ulinzini mwako;
Nisamehe dhambi niwe Mikononi mwako.**

**Roho wako anikae Moyoni daima;
Anitakase nione Uso wako mwema.**

**007-Mungu Msaada Wetu
O God, Our Help In Ages (SDAH103)
Doh ni C**

**Mungu Msaada wetu tangu miaka yote,
Ndiwe tumaini letu la zamani zote.**

**Kivuli cha kiti chako ndiyo ngome yetu,
Watosha mkono wako ni ulinzi wetu.**

**Kwanza havijakuwako nchi na milima,
Ndiwe Mungu; chini yako twakaa sala-
ma.**

**Na miaka elfu ni kama siku moja kwako,
Utatulinda daima. Tu wenyeji wako.**

**Bwana msaada wetu tangu miaka yote,
Mlinzi wetu na ngome, daima, milele.**

**009-Mwumbaji, Mfalme
My Maker and My King (SDAH15)
Doh ni D**

**Mwumbaji, Mfalme,
Vitu vyote vyako;
Ni kwa ukarimu wako
Ninabarikiwa,
Ni kwa ukarimu wako
Ninabarikiwa.**

**Uliyeniumba, Nakutegemea;
Sina budi kuzisifu
Hisani zako kuu,
Sina budi kuzisifu
Hisani zako kuu.**

**Nitatoa nini?
Kwanza vyote vyako.
Upendo wako wadai
Moyo wa shukrani,
Upendo wako wadai
Moyo wa shukrani.**

**Nipewe neema, Niwe na uwezo
Wa kuishi kwako, Bwana:
Siku zangu, zako,
Wa kuishi kwako, Bwana:
Siku zangu zako.**

**008-Uje Mkombozi
O Hear My Cry (SDAH8)
Doh ni C**

**Unisikie ninapolia, Uje M-kombozi;
Moyo wangu wakutazamia, Uje M-kombozi.**

**CHORUS
Nimepotea mbali na kwangu,
Nimetanga peke yangu;
Unichukulie sasa kwako:
Uje M-kombozi.**

**Sina pahali pa kupumzika, Uje M-kombozi;
Unipe raha, nuru, uzima. Uje M-kombozi.**

**Nimechoka njia ni ndefu, Uje M-kombozi;
Macho yako kuona nataka, Uje M-kombozi.**

**Bwana daima hutanidharau, Uje M-kombozi;
Kilio changu utanijibu, Uje M-kombozi.**

**010-Kristo Wa Neema Yote
Come Thou Fount (SDAH334)**

Doh ni E?

**Kristo wa neema yote imbisha moyo wangu
Mifulizo ya baraka inaamsha shangwe kuu.
Unifunze nikupende, nikuandame kote,
Moyo wangu ukajae furaha na tumai.**

**Namshukuru sana Bwana, aniwezesha huku.
Salama aniongoza hata kule nyumbani.
Yesu alinitafuta njiani mbali kwake,
Akatoa damu yake nipone hatarini.**

**Kweli mimi mwiwa mkubwa wa neema daima;
Wema wako unifunge zaidi kwako Bwana,
Ili nisivutwe tena kukuacha ee Mponya,
Nitwalie moyo wangu uwe wako kamili**

**011-Jina La Bwana Li Heri
O For A Thousand Tongues To Sing (SDA250)
Doh ni A**

**Sauti zote ziimbe, jina la Yesu li heri!
Sifa za mfalme Mungu, jina la Yesu li heri!**

CHORUS

**Jina li heri, jina li heri, jina la Yesu li heri!
Jina li heri, jina li heri, jina la Yesu li heri!**

**Hofu zote latuliza, jina la Yesu li heri!
Mwenye dhambi hukubali, jina la Yesu li heri!**

**Huvunja nguvu za dhambi, jina la Yesu li heri!
Damu yake hutakasa, jina la Yesu li heri!**

**Sauti yake ni tamu, jina la Yesu li heri!
Wakaburini husikia, jina la Yesu li heri!**

**Lugha maelf(u) zitaimba, jina la Yesu li heri!
Astahili mwana-kondoo, jina la Yesu li heri**

012-Msifu Mungu

**Praise God From Whom All Blessings Flow
(SDAH694/695)**

Doh ni G

Msifu Mungu wa neema,

Enyi viumbe po pote;

Wa juu pia sifuni

Baba, Mwana naye Roho! [AMIN]

**013-Yesu Uje Kwetu
Jesus Thou Hast Promised
Doh ni A?**

**Umetuahidi ya kwamba wawili Watatu,
kwa jina lako wakija,
Utawabariki; kwa hivi leo
Twapiga magoti nyumbani pako.**

CHORUS

**Yesu uje kwetu Utubariki,
Yesu uje kwetu Uwe karibu.**

**Ume kuwa nasi siku nyingine
Tunakuhitaji mpaka mwisho.
Uje Mkombozi; tupe neema;
'Tusikie yesu utubariki.**

**Uje utawale sauti zetu:
Nyimbo, nazo sala uziagize.
Imani izidi, ikamilike;
Pendo liwe safi, na njia nuru.**

014-Nitembee Nawe
O Let Me Walk With Thee (SDAH554)
Doh ni A?

Nitembee nawe Mungu
Alivyotembea Henok;
Mkono wangu uushike;
Unene nami kwa pole;
Ingawa njia siioni,
Yesu nitembee nawe.

Siwezi tembea pekee;
Pana dhoruba mbinguni;
Mitego ya miguu, elfu;
Adui wengi hufichwa;
Uitulize bahari,
Yesu nitembee nawe.

Ukinishika mkono,
Anasa kwangu hasara;
Kwa nguvu nitasafiri;
'Tautwika msalaba;
Hata mji wa Sayuni
Yesu nitembee nawe

**015-Nena Mungu
Speak To My Soul
Doh ni Eb**

**Nena rohoni yesu, Nena kwa upole
Sema kwangu kwa pendo, "Huachwi
upweke."**

**'Fungua moyo wangu, Nisikie mara;
Jaza roho na sifa, Sifa zako Bwana.**

CHORUS

**Kila siku unene, Vile kwa upole,
Nong'oneza kwa pole wa pendo:
"Daima utashinda, Uhuru ni wako."
Nisikie maneno: "Huachwi upweke."**

**Nena kwa wana wako, Waonyeshe njia,
Wajaze kwa furaha, Fundisha kuomba;
Wajifunze kutoa Maisha kamili,
Wahimize ufalme, Tumwone Mwokozi.**

**Nena kama zamani, Ulipoitoa
Sheria takatifu: Niiweke pia;
Nipate kutukuza Wewe Mungu wangu,
Mapenzi yako tena, Daima 'kusifu.**

**016-Ninakuhitaji
Blessed Lord, How Much I Need Thee
Doh ni G**

**Bwana ninakuhitaji! Ni mpofu, maskini;
Unishike mkononi, Kwako napata nguvu.**

CHORUS

**Kila saa, Kila saa Bwana ninakuhitaji;
Kila saa, Kila saa, Unilinde kila saa.**

**Univute na mavazi Ya usikivu wako;
Nguo zangu ni machafu, Nazitamani zako.**

**Wewe ukiniongoza Nitakwenda salama;
Nenda nami siku zote, U nuru na uzima.**

**Na ikiwa m-beleni Sehemu yangu ngumu,
Au ikiwa furaha, Unilinde kila saa.**

017-Si Mimi, Kristo
Not I But Christ (SDAH570)
Doh ni Eb

Si mimi, Kristo astahili sifa;
Si mimi, Kristo ajulikane;
Si mimi, Kristo katika maneno,
Si mimi, Kristo kwa kila tendo.

Si mimi, Kristo, kuponya huzuni;
Kristo pekee, kufuta machozi;
Si mimi, Kristo, kubeba mzigo;
Si mimi, Kristo, kupunga hofu.

Kristo pekee, pasipo kujisifu;
Kristo pekee, na nizungumze,
Kristo pekee, na hakuna kiburi;
Kristo pekee, sifa yangu ife.

Kristo pekee, mahitaji atoe
Si mimi, Kristo, kisima changu;
Kristo pekee, kwa mwili na kwa moyo;
Si mimi, Kristo, hata milele.

**018-Mwokozi, Kama Mchungu
Saviour, Like A Shepherd (SDAH545)
Doh ni Eb**

**Mwokozi kama mchungu
Utuongoze leo;
Ututume malishoni;
Fanya tayari boma.
Bwana Yesu, peke yako
Umetuvuta kwako.**

**Tu wako, uwe rafiki,
Uwe mlinzi wetu;
Kundi lako ulilinde,
Tusivutwe na dhambi;
Bwana Yesu tusikie,
Tukiomba, samehe.**

**Umetuahidi kwamba
Utakubali watu,
Utawahurumia na
Utawapa neema;
Bwana Yesu, tunapenda
Kuwa wako, mapema.**

019-Msalabani Pa Mwokozi
Down At The Cross
Doh ni A \flat

Msalabani pa Mwokozi Hapo niliomba
upozi,
Moyo wangu ulitakaswa, Na asifiwe.

CHORUS
Na asifiwe, na asifiwe.
Alitukomboa kwa damu, Na asifiwe.

Chini ya mti msumbufu Niliomba uta-
katifu,
Alinikomboa kwa damu, Na asifiwe.

Kwa ajabu ninaokoka, Yesu anakaa
moyoni;
Mtini alinifilia, Na asifiwe.

Damu ya Yesu ya thamani Huniokoa
makosani;
Huniendesha wokovuni, Na asifiwe.

020-Mungu Wetu Yeye Mwamba
The Lord's Our Rock (SDAH528)
Doh ni F

Mungu wetu yeye mwamba, Kimbilio
taabuni;
Msaada penye shida ulio karibu sana.

CHORUS

Mwamba wetu kutupumzisha, yu
kivuli kuburudisha
Yu mwongozi katika njia, kimbilio
taabuni.

Mchana usiku, yule kimbilio taabuni,
Hivyo hatutaogopa, kwani yu karibu
sana.

Iwayo yote, Yeye tu kimbilio taabuni,
Twajua Yeye Mlinzi aliye karibu sana.

Mungu wetu Ficho kwetu, kimbilio
taabuni.
Siku zote uwe Boma lililo karibu sana.

**021-Baba Twakujia
Father, We Come To Thee
Doh ni F**

**Bwana twakujia, Uwe msaada;
Uwe kimbilio, twakusihi.
Dunia ni giza tukitengwa nawe;
Tufariji hapa, baba yetu.**

CHORUS
**Baba twakujia, tu dhaifu, usitugeue,
tusikie.**

**Salama tulinde, kati ya taabu;
Uwe raha yetu mashakani.
Roho yasumbuka, Baba tujalie;
Twakuomba sana, tupe nguvu.**

**Neema utupe, tukubali kwako;
Moyo wetu linda, safarini;
Tuongoe mbele, tupate kushinda
Na kufika ng'ambo, kule kwako**

022-Usinipite
Pass Me Not (SDAH569)
Doh ni A?

**Usinipite, Mwokozi, unisikie;
Unapozuru wengine, usinipite.**

CHORUS
**Bwana, Bwana unisikie;
Unapozuru wengine, usinipite.**

**Kiti chako cha rehema, nakitazama;
Magoti napiga pale, nisamehewe.**

**Sina ya kutegemea, ila wewe tu;
Uso wako uwe kwangu: nakuabudu.**

**Wewe tu u Mfariji: sina mbinguni,
Wala duniani pote, Bwana mwingine.**

023-Yesu Furaha Ya Moyo
Jesus, Thou Joy Of Loving Hearts (SDAH242)
Doh ni A

Yesu, furaha ya moyo! Hazina ya pendo, na nuru.
Yote yatupendezayo, yasilinganishe nawe.

Kweli yako ya daima, wawajibu wakwitao,
Ni siku zote u mwema kwao wakutafutao.

U mkate wa Uzima, kupokea ni baraka,
Twanya kwako u kisima roho zikiburudika.

Mwokozi twakutamani, kwako roho hutulia;
Twakushika kwa imani, nawe watubarikia.

Yesu, ndiwe kwetu mwanga, tufurahishe daima;
Giza ya dhambi fukuza, uwe mwanga wa Uzima.

024-Jina La Yesu Tamu
How Sweet The Name Of Jesus Sounds
(SDAH238)
Doh ni E?

**Jina lake Yesu tamu Tukilisikia,
Hutupoza, tena hamu Hutuondolea.**

**Roho iliyoumia Kwalo hutibika,
Chakula, njaani pia; Raha, tukichoka.**

**Jina hili ni msingi, Ngao, ngome, mwamba,
Kwa hili napata ungi, Kwangu ni akiba.**

**Yesu, Mchungu, Rafiki, Mwalimu, Kuhani,
Mwanzo, mwisho, na amina, mali yangu
yote!**

**Moyo wangu hauwezi Kukusifu kweli;
Ila sifa zangu hizi, Bwana, zikubali.**

**025-Taji Mviken
Crown Him With Many Crowns
(SDAH223)
Doh ni E**

**Taji mviken. Taji nyingi sana,
Kondoo mwake Kitini, Bwana wa
mabwana;
Nami tamsifu Alikufa kwangu,
Ni Mfalme mtukufu, Seyidi wa mbingu.**

**Taji mvikeni Mwana wa Bikira;
Anazovaa kichwani Aliteka nyara;
Shilo wa manabii Mchungwa wa watu
Shina na tanzu ya Yesu wa Bethlehemu.**

**Taji mviken Bwana wa Mapenzi;
Jeraha zake ni shani Ni vito vya enzi,
Mbingu haina Hata malaika
Awezae kuziona pasipo kushangaa!**

**Taji mviken Bwana wa Salama;
Kote - kote duniani Vita vitakoma;
Nayo enzi yake itaendelea,
Chini ya miguu yake, Maua humea.**

026-Tutokapo Tubariki
Lord Dismiss Us (SDAH64)
Doh ni E

Tutokapo tubariki, Utupe kufurahi;
Tuwe na upendo wako, Neema ya kushinda.
Nawe utuburudishe tukisafiri chini.

Twatoa sifa, shukrani Kwa neno la injili;
Matunda yake wokovu Yaonekane kwetu;
Daima tuwe amini Kwa kweli yako, Bwana.

Siku zetu zikizidi Tuzitoe kwa Yesu;
Tuwe na nguvu moyoni Tusichoke njiani;
Hata tutakapona Utukufu wa Bwana.

026a-Tupe Amani
God The Omnipotent (SDAH84)
Doh ni D

Mungu mtukufu Aliyeumpa pepo
kuvuma Na radi kali;
Toa neema unapotawala, Tupe
amani Bwana wa wema.

Mungu wa neema, Nchi imeacha
Amri tukufu Na Neno lako;
Hasira zako Zisituharibu, Tupe
amani, Bwana wa wema.

Mwumbaji wa haki, Watu wabaya
Wamedharau Utukufu wako;
Lakini wema wako Utadumu;
Endesha kweli Bwana wa wema.

Tunakutolea Ibada safi Kwa ajili ya
Wokovu wako;
Hivi tunaziimba Sifa zako; Wako
uwezo Na utukufu.

**027-Tena, Mwokozi, Twalitukuza Jina
Lako
Saviour Again To Thy Dear Name
Doh ni A?**

**Tena, Mwokozi, twalitukuza
Jina lako lenye kupendeza,
Twangojea neno la amani,
Kabla hatujakwenda nyumbani.**

**Tupe amani njiani mwetu,
Wewe u mwanzo, u mwisho wetu;
Dhambini kamwe isiingie
Midomo ikitajayo wewe.**

**Utupe amani usiku huu,
Ili gizani kuwe nuru kuu.
Tulinde kwa kuwa kwako Bwana
Usiku ni sawa na mchana.**

**Tupe amani ulimwenguni
Ndiyo dawa yetu majonzini;
Na ikitwita sauti yako,
Tupe amani milele kwako.**

**028-Jina La Thamani
Take The Name Of Jesus (SDAH474)
Doh ni A?**

**Jina lake Yesu tamu, Lihifadhi moyoni;
Litatufariji ndugu, Enda nalo po pote.**

CHORUS

**Jina la (Thamani) Thamani, (Thamani)
Tumai la dunia
Jina la (Jina la Thamani-tamu!) Thamani,
Furaha ya mbinguni.**

**Jina la Yesu lafaa Kama ngao vitani,
Majaribu yakisonga, Omba kwa jina hili.**

**Jina hili la thamani Linatufurahisha,
Anapotukaribisha, Na tunapomwimbia.**

**Mwisho wa safari yetu Tutakapomsujudu,
Jina hili tutasifu Furaha ya mbinguni**

**029-Yesu, Nakupenda
My Jesus I Love Thee (SDAH321)
Doh ni F**

**Yesu nakupenda, U mali yangu,
Anasa za dhambi sitaki kwangu;
Na mwokozi aliyeniokoa
Sasa nakupenda, kuzidi pia.**

**Moyo umejaa mapenzi tele
Kwa vile ulivyonipenda mbele,
Uhai wako ukanitolea
Sasa nakupenda, kuzidi pia.**

**Ulipoangikwa Msalabani
Tusamehewe tulio dhambini;
Taji ya miiba uliyoivaa,
Sasa nakupenda, kuzidi pia.**

**Mawanda mazuri na masikani
Niyatazamapo huko mbinguni,
Tasema na taji nitakayovaa
Sasa nakupenda, kuzidi pia.**

**030-Yesu, Unipendaye
Jesus, Lover Of My Soul (SDAH490)
Doh ni F**

**Yesu unipendaye kwako nakimbilia,
Ni wewe utoshaye mwovu akinijia.
Yafiche ubavuni mwako maisha yangu;
Nifishe bandarini, wokoe moyo wangu.**

**Ngome nyingine sina; nategemea kwako,
Usinitupe Bwana, nipe neema yako,
Ninakuamania, mwenye kuniwezesha;
Shari wanikingia, vitani wanitosha.**

**Nakutaka Mpaji, vyote napata kwako;
Niwapo muhitaji, utanijazi vyako;
Nao waangukao wanyonge wape nguvu;
Poza wauguao, uongoze vipofu.**

**Mwana umeniosha moyo kwa damu yako;
Neema ya kutosha yapatikana kwako;
Kwako Bwana naona kisima cha uzima;
Mwangu moyoni, Bwana, bubujika daima.**

**031-Niimbe Pendo Lako
I Will Sing Of Jesus (SDAH183)
Doh ni B?**

**Niimbe (niimbe) pendo lake,
Pendo la (pendo la) Yesu Bwana;
Sababu (sababu) alitoka
Kwa Baba akafa.**

CHORUS

**Niimbe (niimbe) pendo lake;
Sifa kuu (sifa kuu) nitatoa;
Akafa (akafa) niwe hai, --
Niimbe pendo lake.**

**Machozi (machozi) alitoa
Ijapo (ijapo) sijalia;
Maombi (maombi) yangu bado,
Aniombeapo.**

**Upendo (upendo) kubwa huo!
Dunia (dunia) haijui
Samaha (samaha) kwa makosa
Kubwa kama yangu.**

**Hapana (hapana) tendo jema
Ambalo (ambalo) nilitenda,
Nataka (nataka) toka leo
Nimwonyeshe pendo.**

**032-Tangu Kuamini
I Have A Song I Love To Sing
Doh ni G**

**Ninao wimbo mzuri, Tangu kuamini;
Wa Mkombozi Mfalme, Tangu kuami-
ni.**

CHORUS

**Tangu kuamini, Jina lake 'tasifu,
Tangu kuamini, Nitalisifu jina lake.**

**Kristo anitosha kweli, Tangu kuamini,
Mapenzi yake napenda, Tangu kuami-
ni.**

**Ninalo shuhuda sawa, Tangu kuamini,
Linalofukuza shaka, Tangu kuamini.**

**Ninalo kao tayari, Tangu kuamini,
Nililorithi kwa Yesu, Tangu kuamini.**

**033-Karibu Sana
Nearer, Still Nearer (SDAH301)
Doh ni D?**

**Karibu sana univute, Karibu sana daima na-
we.**

**Bwana napenda unishike, Unilinde
nisianguke nawe.
Unilinde nisitengwe nawe.**

**Karibu sana, sina kitu sina, Sadaka kwa
Bwana Yesu,
Isipokuwa moyo wangu: Uutakase katika
damu,
Uutakase katika damu.**

**Karibu sana, Wewe nami, Ninafurahi kuacha
dhambi-
Anasa zote na kiburi: Nipe Yesu niliyemsulibi,
Nipe Yesu niliyemsulibi.**

**Karibu sana, hata mwisho. Hata mbinguni
nisimamapo:
Daima dawamu niwepo Nitakapoona uso
wako,
Nitakapoona uso wako.**

034-Hadithi Kisa Cha Yesu
Tell Me The Story Of Jesus (SDAH152)
Doh ni E?

**Nipe habari za Yesu, Kwangu ni tamu sana:
Kisa chake cha thamani Hunipendeza sana.
Jinsi malaika wengi walivyo imba sifa,
Alipoleta amani kwa watu wa dunia.**

CHORUS

**Nipe habari za Yesu, Kaza moyoni
mwangu;
Kisa chake cha thamani Hunipendeza
sana.**

**Kisa cha alivyofunga Peke yake jangwani.
Jinsi alivyolishinda Jaribu la Shetani;
Kazi aliyoifanya, Na siku za huzuni,
Jinsi walivyomtesa: Yote ni ya ajabu!**

**Habari za Msalaba Alivyosulubiwa;
Jinsi walivyo mzika, Akashinda kaburi.
Kisa chake cha rehema. Upendo wake
kwangu.**

Alivyotoa maisha Nipokee wokovu.

035-Nimekombolewa Na Yesu
Redeemed! How I Love To Proclaim It
(SDAH337/338)
Doh ni A

Nimekombolewa na Yesu na sasa nimefurahi;
Kwa bei ya mauti yake mimi ni mtoto wake.

CHORUS

Kombolewa! Nakombolewa na damu.
Kombolewa! Mimi mwana wake kweli.

Kukombolewa nafurahi, Kupita lugha
kutamka;
Kulionyesha pendo lake, mimi ni mtoto wake.

Nitamwona mfalme wangu katika uzuri wake,
Ambaye najifurahisha katika torati yake.

Najua taji imewekwa mbinguni tayari
kwangu,
Muda kitambo atakuja ili alipo niwepo.

**036-Siku Kuu
O Happy Day
Doh ni G**

**Ni siku kuu siku ile ya kumkiri
Mwokozi!
Moyo umejaa tele kunyamaza
hauwezi.**

CHORUS

**Siku kuu! Siku kuu! Ya
kwoshwa dhambi zangu kuu!
Hukeshwa na kuomba tu, anan-
iongoza miguu.**

**Siku kuu! Siku kuu! Ya
kwoshwa dhambi zangu kuu!**

**Tumekwisha kupatana, mimi
wake, yeye wangu,
Na sasa nitamwandama, nikiri
neni la Mungu.**

**Moyo tulia kwa Bwana, kiini cha
raha yako;
Huna njia mbili tena: uwe naye,
yote ndako.**

037-Pendo Lako, Ee Mwokozi
Love Divine, All Loves Excelling (SDAH191)
Doh ni A?

**Pendo lako, Ee Mwokozi, Hushinda pendo
zote!**

Kaa nasi, ndani yetu, Furaha ya mbinguni.
Yesu u rehema tupu, Safi na Kusamehe,
Mfariji mwenye huzuni Ziondoe machozi.

**Roho yako ya upendo, Tuma kwa kundi
lako;**

Hebu tuirithi raha, Iliyoahidiwa,
**Uondoe moyo mbaya, U Mwanzo tena
Mwisho;**

Timiza imani yetu, Ili tuwekwe 'huru.

Yesu, uje kwetu sasa, Tupokee huruma;
Rudi kwetu, tena kamwe Usituache pekee,
Tungekutukuza leo, Pamoja na malaika,
Imba na kutoa sifa, Ingia kwa ibada.

Sasa, Bwana, kazi yako, Imalize moyoni;
Takasa hekalu lako, Wokovu kamilisha!
Safisha viumbe vyako Katika wakati huu;
**Tupumzike 'toka dhambi, Tuingie mbingu-
ni.**

038-Nasifu Shani Ya Mungu
I Sing The Mighty Power (SDAH88)
Doh ni E?

**Nasifu shani ya Mungu, mweneza bahari,
Muumba pia wa mbingu, jua, nyota, mwezi.
Ni tukufu yako shani, mtengeza mambo
Ya nyakati na zamani, yasiyo na mwisho.**

**Kadiri ya nionayo, yakusifu Mungu;
Nchi niikanyagayo, na hayo mawingu;
Hakuna hata unyasi, usiokukuza;
Na upepo wavumisha, au kutuliza.**

**Nami kwa mkono wako, naongozwa sawa,
Ni pato nikusifupo, kukwomba ni dawa;
Umenizingira nyuma, na mbele baraka,
Maarifa ya ajabu! Yanishinda mimi!**

039-Ati, Kuna Mvua Njema
Lord, I Hear Of Showers
Doh ni G

Ati, kuna mvua njema yanya yenye neema;
Watu wanaona vyema Bwana, hunin-
yeshei?

CHORUS

Na mimi? Na mimi? Bwana, huninyeshei?

Sinipite, Baba Mwema; dhambini
nimezama;
Rehema ni za daima; Bwana hunionyeshi?

Sinipite, Yesu Mwema; niwe nawe daima,
Natamani kukwandama: Bwana, hu-
nichukui?

Sinipite, Roho Mwema, Mpaji wa uzima,
Nawe shahidi wa wema, Bwana wema hu-
nipi?

**040-Nijaze Sasa
Hover O'er Me Holy Spirit (SDAH260)
Doh ni G**

**Njoo, Roho Mtukufu uoshe moyo
wangu,
Utakase nia yangu, njoo, nijaze sasa.**

CHORUS

**Roho Mtukufu, njoo, nijaze sasa;
Utakase nia yangu, njoo, nijaze
sasa.**

**Unijaze moyo wangu ljapo sikuoni,
Nami ninakuhitaji, njoo, nijaze sasa.**

**Nimejaa udhaifu, nainamia kwako;
Roho Mtukufu sasa, nitilie na nguvu.**

**Unioshe nifariji niponye, nibariki,
Unijaze moyo wangu; ndiwe mwenye
uwezo**

**041-Roho Mtakatifu
Holy Spirit, Faithful Guide
Doh ni G**

**Roho Mtakatifu, Kiongozi amini;
Utushike mkono Tulio wasafiri;
Utupe kusikia Sauti ya upole;
"Msafiri fuata, Naongoza nyumbani."**

**Wewe ndiwe rafiki, Msaada karibu;
Tusiache shakani; na tukiwa gizani
Utupe kusikia Sauti ya upole;
"Msafiri, fuata, Naongoza nyumbani."**

**Siku zetu za kazi, Zikiwa zimekwisha,
Wala hatuna tamaa Ila mbingu na sala;
Utupe kusikia Sauti ya upole;
"Msafiri fuata, Naongoza nyumbani."**

**042-Ewe Roho wa mbinguni
Spirit Divine, Attend Our Prayer (SDAH267)
Doh ni G**

**Ewe roho wa mbinguni, Maombi sikia!
Makao yako yafanye Mioyoni mwetu.**

**Kama nuru, tupenyeze, Giza uondoe;
Siri yako tuone, Na amani yako.**

**Kama moto, tusafishe, Choma dhambi yetu;
Roho zetu ziwe zote Hekalu la Bwana.**

**Kama umande, na uje, Utuburudishe,
Moyo 'kavu utakuwa Ni wenye baraka.**

**Kama upepo Ee Roho, Katika Pentekoste
Ukombozi Utangaze, Kwa kila taifa.**

043-Furaha Gani!
What A Fellowship (SDAH469)
Doh ni A

**Furaha gani na ushiriki,
Nikimtegemea Yesu tu!
Baraka gani, tena amani,
Nikimtegemea Yesu tu!**

CHORUS

**Tegemea, salama bila hatari;
Tegemea, tegemea Mwokozi Yesu.**

**Nitaiweza njia nyembamba,
Nikimtegemea Yesu tu;
Njia 'tazidi kuwa rahisi,
Nikimtegemea Yesu tu!**

**Sina sababu ya kuogopa,
Nikimtegemea Yesu tu;
Atakuwa karibu daima,
Nikimtegemea Yesu tu.**

**044-Urafiki Wa Yesu
There's Not A Friend
Doh ni F**

**Hakuna rafiki kama Yesu, Hakuna,
hakuna!
Tabibu mwingine wa rohani, Hakuna
hakuna!**

CHORUS

Yesu ajua shida zetu; Daima ataongoza.

**Hakuna rafiki kama Yesu, Hakuna,
Hakuna!**

**Wakati ambapo hapo yeye, Hapana,
hapana!**

**Wala giza kukutenga naye, Hakuna,
hakuna!**

**Aliyesahauliwa naye, Hakuna, haku-
na!**

**Mkosaji asiyempenda, Hakuna, haku-
na!**

**Kipawa kama mwokozi wetu, Haku-
na, hakuna!**

**Ambaye atanyimwa wkovu Hakuna,
hakuna!**

**045-Mwanga Umo Mwoyoni.
Sunlight In The Heart
Doh ni A**

**Mlimani pana mwanga, Mwanga wa jua zuri
Shambani na baharini Jua tukufu liko;
Mwanga ulio mkubwa Umo moyoni
mwangu,
Kwa kuwa Yesu alipo Hapa pana mwangaza.**

CHORUS

**Mwangaza ulio mzuri, Mwanga umo
moyoni;
Akiwapo Bwana Yesu Pana mwanga
moyoni.**

**Kama mavazi kukuu Ninavua huzuni:
Nguo nzuri za furaha Umenipa za kuvaa.
Nakuandama rohoni Hata nyumba ya juu
Iliyopambwa vizuri Katika pendo lako.**

**Ulinikomboa Yesu; Maisha yangu, mali,
Vyote ni vyako Mwokozi, Daima nikusifu.
Nakuandama rohoni Hata nyumba ya juu
Iliyopambwa vizuri Katika pendo lako.**

046-Miguuni Pake Yesu
Sitting At The Feet Of Jesus
Doh ni F

Miguuni pake Yesu, Maneno yake tamu;
Pahali palipo heri, Niwepo kila siku,
Miguuni pake Yesu Nakumbuka Upendo
Na hisani vyake kwangu, Vimenivuta
moyo.

Miguuni pake Yesu, Hapa pahali bora
Pakuweka dhambi zangu: Pahali pa
pumziko.
Miguuni pake Yesu, Hapa nafanya sala,
Kwake napewa uwezo, Faraja na nee-
ma.

Unibariki Mwokozi, Ni miguuni pako,
Unitazame kwa pendo, Nione uso wako.
Nipe Bwana nia yake Ili ionekane
Nimekaa na Mwokozi Aliye haki yangu.

047-Ni Heri Kifungo
Blest Be The Tie (SDAH 350)
Doh ni F

Ni heri kifungo kinachotufunga
Mioyo yetu kwa pendo la Kikristo.

M-bele ya Baba Tunatoa sala,
Hofu, nia masumbufu Yetu ni mamoja.

Tunavishiriki Matata na shida,
Na mara nyingi twatoa Chozi la fanaka.

Tunapoachana Moyoni twalia;
Lakini tutakutana M-wisho mbinguni.

**048-Ninakupenda Zaidi
I Know I Love Thee Better, Lord
Doh ni G**

**Ninakupenda zaidi, Ya vyote vingine;
Kwani umenipa raha, Na amani, Bwana.**

CHORUS

**Nusu haijatangazwa (Tangazwa)
Ya upendo wako;
Nusu haijatangazwa (Tangazwa)
Damu hutakasa (takasa).**

**Nakujua u karibu Kuliko dunia;
Kukukumbuka ni tamu kupita kuimba.**

**Kweli wanifurahisha, na nitafurahi;
Pasipo upendo wako naona huzuni.**

**Itakuwaje Mwokozi, Kukaa na wewe,
Ikiwa ulimwenguni Tuna furaha hii?**

**049-Ninaye Rafiki
I've Found A Friend (SDAH186)
Doh ni A**

**Ninaye rafiki naye Alinipenda mbele;
Kwa kamba za pendo lake Nimefungwa milele:
Aukaza moyo wangu, Uache ugeuzi,
Ninakaa ndani yake, Yeye kwangu milele.**

**Ninaye Rafiki ndiye Aliyenifilia;
Alimwaga damu yake kwa watu wote pia;
Sina kitu mimi tena, Nikiwa navyo tele;
Pia vyote ni amana Ndimi wake milele.**

**Ninaye Rafiki naye Uwezo amepewa;
Atanilinda mwenyewe, Juu 'tachukuliwa;
Nikitazama mbinguni Hupata nguvu tele;
Sasa natumika chini, Kisha juu milele.**

**Ninaye Rafiki naye Yuna na moyo mwema,
Ni Mwalimu Kiongozi, Mlinzi wa daima;
Ni nani wa kunitenga, Na mpenzi wa mbele?
Kwake nimetia nanga, Ndimi wake milele.**

050-Mungu Nawe Nanyi Daima

God Be With You (SDAH65/66)

Doh ni D

Mungu nawe nanyi daima; hata twonane ya pili,
Awachunge kwa fadhili, Mungu nawe nanyi dai-
ma.

CHORUS

Hata twonane juu, hata twonane tena kwake;
Hata twonane juu, Mungu nawe nanyi daima.

Mungu nawe nanyi daima; Awafunike mabawa.
Awalishe, awakuze; Mungu nawe nanyi daima.

Mungu nawe nanyi daima; Kila wakati wa shida
Awalinde hifadhini; Mungu nawe nanyi daima.

Mungu nawe nanyi daima; Awabariki na pendo
Ambalo halina mwisho; Mungu nawe nanyi dai-
ma

051-Kuwa Na Yesu
Blessed Assurance (SDAH462)
Doh ni D

**Yesu Mwokozi, kwa hakika, Hunipa furaha na
amani;**
**Mrithi wa wokovu wake, Natakaswa kwa damu
yake.**

CHORUS

**Habari hiyo wimbo wangu, Daima nitamsifu
Yesu.**

**Habari hiyo wimbo wangu, Daima nitamsifu
Yesu.**

**Nijitoapo nina raha, Na kwa imani namwona Bwa-
na;**

Aniletea malaika, Wananilinda, niokoke.

**Hali na mali anaitwaa, Katika Yesu nabarikiwa;
Nikimngoja kwa subira, Wema wake unanitosha.**

**052-Nipe Biblia
Give Me The Bible (SDAH272)
Doh ni A?**

**Nipe Biblia nyota ya furaha, wapate nuru
wasafirio;
Hakuna la kuzuia amani,
Kwani Yesu alituokoa.**

CHORUS

**Nipe Biblia neno takatifu,
Nuru yake itaniongoza;
Sheria na ahadi na upendo,
Hata mwisho vitaendelea.**

**Nipe Biblia nihuzunikapo ikinijaza moyoni
dhambi;
Nipe neno zuri la Bwana Yesu,
Nimwone Yesu Mwokozi wangu.**

**Nipe Biblia nipate kuona, hatari zilizo du-
niani;
Nuru ya neno lake Bwana Yesu,
itaangaza njia ya kweli.**

**Nipe Biblia taa ya maisha; Mfariji tuna-
pofiliwa;
Unionyeshe taa ya mbinguni,
Nione utukufu wa Bwana.**

**053-Napenda Kuhubiri!
I Love To Tell The Story (SDAH457)
Doh ni A?**

**Napenda kuhubiri habari ya Yesu,
Ya Bwana wa fahari na pendo zake kuu.
Kuhubiri napenda kwa hali na mali;
Mwenyewe Nimeonja najua ni kweli.**

CHORUS

**Napenda kuhubiri kisa cha Bwana Yesu,
Ya Bwana wa fahari na pendo Zake Kuu.**

**Napenda kuhubiri mambo ya ajabu
Na tukiyaifikiri yapita Dhahabu.
Kuhubiri napenda ya yaliyonifaa;
Nami sana napenda hayo kukwambia.**

**Napenda kuhubiri, hunifurahisha
Tamu yake habari haiwezi kwisha.
Napenda kuhubiri wa gizani nao;
Hawana muhubiri wa kweleza chuo.**

**Kuhubiri napenda hata wajuaao;
Kusikia hupenda kama wenzi wao.
Nako kwenye fahari nikiimba wimbo
Nitaimba habari ya Mwokozi huyo!**

**054-Nataka Nimjue Yesu!
More About Jesus (SDAH245)
Doh ni A?**

**Nataka nimjue Yesu, na nizidi kumfahamu,
Nijue pendo lake tu, wokovu wake kamili.**

CHORUS

**Zaidi zaidi, nimfahamu Yesu,
Nijue upendo wake, wokovu wake kamili.**

**Nataka nimjue Yesu, na nizidi kusikia
Anenapo kitabuni, kunidhihirisha kwangu.**

**Nataka tena zaidi, daima kupambanua
Mapenzi yake, nifanye yale ya-
nayompendeza.**

**Nataka nikae, kwa mazungumzo matamu.
Nizidi kuwaonyesha wengine wokovu wake!**

**055-Twapanda Mapema
Sowing In The Morning (SDAH369)
Doh ni C**

**Twapanda mapema, na mchana kutwa
Mbegu za fadhili hata jioni,
Twangojea sasa siku za kuvuna;
Tutashangilia wenye mavuno.**

CHORUS

**Wenye mavuno, wenye mavuno,
Tutashangilia wenye mavuno.
Wenye mavuno, wenye mavuno,
Tutashangilia wenye mavuno.**

**Twapanda mwangani na kwenye kivuli;
Tusishindwe na baridi na pepo;
Punde itakwisha kazi yetu hapa:
Tutashangilia wenye mavuno.**

**Twapanda kwa Bwana mbegu kila siku.
Tujapoona taabu na huzuni;
Tuishapo shinda atatupokea:
Tutashangilia wenye mavuno.**

**056-Waponyeni Watu
Rescue The Perishing (SDAH367)
Doh ni B?**

**Walio kifoni, nenda waponye.
Uwatoe walio shimoni;
Wanaoanguka uwainue;
Habari njema uwajulishe.**

CHORUS

**Walio kifoni waokoeni,
Mwokozi yuko huwangojea.**

**Wajapokawia anangojea,
Awasubiri waje tobani;
Mwokozi hawezi kuwadharau,
Huwasamehe tangu zamani.**

**Na ndani ya moyo wa wanadamu
Hawamo shida, tena huzuni;
Lakini kwa Yesu kuna rehema
Kuwaponya na kuwaokoa.**

**Walio kifoni, nenda waponye
Kazi ni yetu, zawadi iko;
Nguvu kuhubiri Bwana hutoa
Kwa subira tuwavute sasa.**

**057-Usikatae Kazi
Ask Not To Be Excused
Doh ni E**

**Usikatae Kazi yake Bwana; Ukae tayari
 Kuifanya kazi;
Uende po pote Mungu akwitapo, Nawe
 utaona Furaha kazini.**

CHORUS

**Njoo, We! Usiikatae; Njoo, We!
 Uifanye kazi;
Usiikatae Kazi yake Bwana, Ili hati-
 maye usikatazwe juu.**

**Usiikatae Kazi yake Bwana; Kwa nini
 kawia? Fanya kazi leo.
Mavuno meupe, Wachache Wavuni,
Onyesha furaha kwa kazi ya Bwana.**

**Usiikatae Kazi yake Bwana, Kukataa
 pendo Kwako ni Hatari.
Saa ya rehema, Yesu akiomba, Zi-
ungame dhambi, Zifutwe mbinguni.**

**058-Zitakuwa Nyota Tajini?
I Am Thinking Today**

**Leo ninafikiri ya nchi nzuri Nina-
yotaka kuiona;
Nisimamapo karibu na Mwokozi, Ta-
jini zitakuwa nyota?**

CHORUS

**Sijui tajini mwangu kama nyota
Zitang'aa kila wakati!
Nitakapoamka katika majumba,
Zitakuwa nyota tajini?**

**Kwa nguvu za Bwana nitafanya kazi,
Nitavuta roho za watu,
Ili niwe na nyota katika taji, Bwana
anapotupa tunu.**

**Nitakuwa na furaha nikimwona,
Kuweka miguuni pake
Watu waliovutwa kwa ajili ya Kazi
yangu na Roho yake.**

059-Fanyeni Kazi Zenu
Work, For The Night Is Coming
(SDAH375)

Doh ni F

**Fanyeni kazi zenu, usiku si mbali;
Kesheni saa zenu vumilieni:
Kwa Yesu tumikeni na hiyo Injili.
Sana wahubirini watu wa mbali.**

**Fanyeni kazi zenu giza yasongea;
Na wengi wenzi wenu wamo gizani.
Msipoteze moja dakika ni hizi;
Mwana atarejea mwisho wa kazi.**

**Fanyeni kazi zenu, hivi jua lachwa;
Wote walio kwenu apenda Mungu:
Na sisi tumjuaye na tuwafundishe,
Ili Yesu ajaye tumfurahishe.**

**060-Nitakwenda Utakaponituma
It May Not Be On The Mountain Height
(SDAH573)
Doh ni F**

**Pengine sio milimani Utakaponiita;
Pengine siyo baharini wala palipo vita;
Lakini, nitajibu, na njia siijui.
Bwana, nitajibu, ni tayari Kwenda uniagizapo.**

CHORUS

**Ukiwa pamoja nami, Bwana, Mlimani, ba-
harini,
Niende utakaponiita; Na fuata uendako.**

**Pengine leo kuna neno, Neno tamu la pendo,
Ambalo Yesu anataka Ninene kwa upole;
Ukiwa pamoja nami, Bwana, Nitamtafuta leo
Yule aliyepotea mbali: Nitasema upendavyo.**

**Pahali pako bila shaka Pa kuvuna shambani,
Kazi niwezayo kufanya Kwa Yesu Mkombozi;
Hivi nikikutegemea, Kwa kuwa wanipenda,
Mapenzi yako nitafanya, Na niwe upendavyo.**

061-Bwana, Nami
I Have A Friend So Precious (SDAH456)
Doh ni F

**Nimemwona rafiki, Wa thamani kwangu,
Ananipenda kwa 'pole, Kwa pendo amini,
Kuishi kutengwa naye, La, huku siwezi,
Tunakaa pamoja, Bwana nami.**

**Pengine ninachoka, Mimi mdhaifu,
Ndipo ninamtegemea, Alivyoalika
Huniongoza njiani, Pahali pa nuru,
Twatembea pamoja, Bwana nami.**

**Namweleza huzuni na furaha yangu,
Vile vinavyosumbua, Vinavyopendeza,
Huniagiza kutenda yanayonipasa,
Twazungumza pamoja: Bwana nami.**

**Ajua natamani kuwavuta watu,
Hivyo ananipeleka kutangaza Neno;
Nitangaze pendo lake, Kwa nini akafa,
Twahubiri pamoja: Bwana nami.**

062-Napenda Kitabu Chake

I Love The Sacred Book

**Napenda kitabu chake, Kilichotoka mbinguni,
Barua kwangu ya Bwana Ujumbe wake wa 'pendo**

**Humo ndani ya Kitabu sura ya Yesu naona;
Karatasi zimekuwa, Wayo zake za Mwongozi**

**Neno Lake ni maonji, Kubwe la asali tamu; mu;
Natamani kuuonja Ule mkate wa uzima.**

**Mapenzi yake Mwumbaji, Yanafunuliwa humo;
Hazina kuu ya hekima, Utajiri wa ajabu.**

**Mwangaza wa ulimwengu Angaza humo moyoni!
Uwe mwandamizi pote, Taa ya hatua zangu.**

063-Niuonapo Msalaba
When I Survey The Wondrous Cross
(SDAH154/155)
Doh ni F

Niuonapo Msalaba,
Kristo aliponifia;
Kwangu pato ni hasara.
Kiburi nakichukia.

Na nisijivune, Bwana,
Ila kwa sadaka yako;
Upuzi sitaki tena,
Zi chini ya damu yako.

Tangu kichwa hata nyayo,
Zamwagwa pendo na hamu.
Ndako pweke hamu hiyo.
Pendo zako zimetimu.

Vitu vyote vya dunia,
Si sadaka ya kutosha;
Pendo zako zaniwia.
Nafsi, mali, na maisha

**064-Piga panda
Watchman, Blow The Gospel Trumpet
(SDAH368)
Doh ni B**

**Piga panda ya Injili, onyesha watu wote;
Ili anayesikia Atubu, aoko.**

CHORUS

**Piga panda ya Injili, uipige kwa nguvu;
Mungu amekuagiza mateka wawe huru.**

**Uipige vilimani, kwa kila tambarare;
Pande zote, miji yote isikie Injili.**

**Uipige mipakani, barabarani pia;
Iwatangazie wote, wanakwitwa na Baba.**

**Uipige! Watu wengi wataka wawe huru;
Waambie kwamba yesu asema "Njoni
kwangu."**

**065-Twendeni Askari
Onward Christian Soldiers (SDAH612)
Doh ni E**

**Twendeni askari, watu wa Mungu;
Yesu yuko mbele, tumwandame juu;
Ametangulia Bwana vitani,
Twende mbele kwani ndiye amini.**

CHORUS

**Twendeni askari watu wa Mungu;
Yesu yuko mbele, tumwandame juu.**

**Jeshi la shetani, likisikia
Jina la Mwokozi, litakimbia;
Kelele za shangwe zivume pote;
Ndugu, inueni zenu sauti.**

**Kweli kundi ndogo, watu wa Mungu,
La mababa yetu ni letu fungu,
Hatutengwi nao, moja imani,
Tumaini moja, na dini moja.**

**Haya mbele watu nasi njiani,
Inueni myoyo, nanyi sifuni;
Heshima na sifa yake Mfalme.
Juu hata chini sana zivume.**

**066-Roho Yangu Amka Sasa
Awake My Soul (SDAH611)
Doh ni G**

**Roho yangu amka sasa, mara jitahidi;
Shindano ni lake Bwana, zawadi ni taji.**

**Sauti ni yake Mungu inayokuita;
Ndiyo aliyekirimu taji ya uzima.**

**Mashahidi ndio wengi wanaokuona,
Ya nyuma usifikiri bali mwendo kaza.**

**Bwana umetuanzisha katika shindano;
Kwa vile tunaposhinda ushindi ni wako.**

**067-Kesha Roho Yangu
My Soul Be On Thy Guard
(SDAH605)
Doh ni C**

**Kesha roho yangu, adui maelfu
Hujaribu kuangusha, kuvuta
dhambini.**

**Ukeshe, uombe, ili usishindwe;
Fanya vita kila siku, omba msaada.**

**Kushinda ni bado: ulinde silaha;
Usiache kupigana hata una taji.**

068-Tusimame Imara Mwambani
Firmly Stand For God
Doh ni E?

Umtetee Mungu duniani ijapo pepo kali
zavuma;
Mwambani pekee pana nguvu Dhambi
ikilemea.

CHORUS

Tusimame imara katika mwamba
Mwamba wa Kristo pekee;
Ndipo salamini tutasimama
Kule kitini pa enzi

Itetee haki kwa bidii, kwa moyo mnyofu
wa imani;
Mwambani pekee utashinda wingi wa
upotovu

Itetee kweli, itadumu, ijapokawia
itashinda;
Mwambani pekee pana raha yaishapo
tufani.

069-Cha Kutumaini Sina
My Hope Is Built (SDAH522)
Doh ni G

**Cha kutumaini sina, ila damu yake Bwana,
Sina wema wa kutosha Dhambi zangu kuziosha.**

CHORUS

**Kwake Yesu nasimama,
Ndiye mwamba: ni salama
Ndiye mwamba: ni salama**

**Njia yangu iwe ndefu yeye hunipa wokovu;
Mawimbi yakinipiga nguvu zake ndiyo nanga.**

**Damu yake na sadaka nategemea daima,
Yote chini yakiisha Mwokozi atanitosha.**

**Nikiitwa hukumuni, Rohoni nina amani;
Nikivikwa haki yake sina hofu mbele zake.**

070-Wapenzi Wa Bwana
Come We That Love The Lord (SDAH422)
Doh ni G

Wapenzi wa Bwana ije raha yenyu!
Imbeni nyimbo za raha, imbeni nyimbo za raha;
Za ibada yenu, za ibada yenu.

CHORUS

Twenenda Zayuni, mji mzuri Zayuni!
Twenenda juu Zayuni,
Ni maskani ya Mungu.

Wasiimbe wao wasioamini,
Watoto wa Mungu ndio, watoto wa Mungu ndio
Waimbao chini, waimbao chini.

Twaona rohoni baraka za Mungu,
Tusijafika mbinguni, tusijafika mbinguni
Kwenye utukufu, kwenye utukufu.

Tutakapomwona masumbuko basi,
Huwa maji ya uzima, huwa maji ya uzima.
Anasa halisi, anasa halisi.

**071-Kesheni Kaombeni
Watch, For The Time Is Short
Doh ni F**

**Kesha ukaombe panapo nafasi;
Wakati si mwingi, kwa vile ukeshe.
Mwili ni dhaifu, adui hodari;
Karibu atakuja, Bwana wa Arusi.**

CHORUS

**Kesha, Omba, Kesha, Omba,
Kesha kaombe gizani, mchana,
Daima kesha**

**Fukuza usingizi, fukuza mashaka;
Ahadi ni yako, raha ya milele.
Bwana alikesha kwa ajili yako;
Jasho yake ikawa matone ya damu.**

**Yesu umkubali awe nguvu zako;
Silaha uzivae; adui karibu.
Sasa nafasi iko, isipite bure;
Bila kukawia Masihiya kesha.**

**072-Jenga Juu Ya Mwamba
We'll Build On The Rock (SDA531)
Doh ni A²**

**Tutajenga juu ya mwamba Wa
Yesu, Mwamba wa kale;
Tutavumilia kishindo Tufani
ivumapo.**

CHORUS

**Tutajenga juu, (Tutajenga juu ya
mwamba mkuu)
Tutajenga juu, (Tutajenga juu ya
mwamba mkuu)
Tutajenga juu ya mwamba mkuu,
Juu yake Yesu.**

**Wengine hujenga katika Mchanga
wa ulimwengu;
Wengine katika mawimbi Ya anasa
za dhambi.**

**Jenga nawe juu ya mwamba,
Msingi pekee wa kweli;
Tumai lake litadumu, Tumai la
wokovu.**

**073-"Bwana Uniongoze Juu"
Higher Ground (SDAH625)
Doh ni A?**

**Nakaza mwendo mbinguni, Kila siku na-
panda juu;
Naomba nikisafiri, "Bwana uniongoze juu"**

CHORUS

**Bwana uniinue juu Kwa imani hata
mbingu,
Juu kuliko dunia; Bwana uniongoze juu
Moyo wangu hautaki, Kukaa palipo shaka
Wengine wapenda chini - Nia yangu ni
kupanda.
Nataka kupanda juu Nisishindwe na adui;
Kwa imani nasikia, Sauti ya washindaji.
Kupanda juu nataka Niuone utukufu;
Hata mwisho nitaomba, "Bwana un-
iongoze juu."**

**074-Niambie, Ee Mlinzi
Watchman, Tell Us Of The Night (SDAH592)
Doh ni G**

**Niambie, Ee mlinzi, Umepambazuka je!
Utukufu wa Zayuni; Pana dalili zake?
Msafiri uondoke, Utazame mbinguni,
Kiunoni ujifunge, Ni kucha, alfajiri.**

**Mlinzi, inamulika Nuru njiani mwako,
Dalili za kuja kwake, kwamba siku karibu;
Panda itakapolia Itawaamsha wafu,
Watakatifu wa Mungu , kuwapa kutokufa.**

**Mlinzi, ione nuru Ya mwaka wa Sabato;
Sauti zinatangaza Ufalme ni karibu;
Msafiri ninaona Mlima wa Zayuni,
Mji wa Yerusalemu Nayo fahari yake.**

**Kwenye mji wa dhahabu Anaketi Mfalme
Katika kiti kizuri: Huku anatawala.
Pana amani po pote, Mashamba husitawi;
Na ardhi ina rutuba; mito ni mitulivu.**

**Mlinzi, twakaribia Nchi iliyo nzuri;
Twende mbele, tufurahi, Nchi inachangamka.
Sikieni kuna wimbo wa waliookoka;
Kaza mwendo, Ujiunge na kundi kubwa hili.**

**075-Msingi Imara, Ninyi Wa Bwana
How Firm A Foundation (SDAH509)
Doh ni G**

**Msingi imara, ninyi wa Bwana,
Umewekwa kwenu kwa neno lake.
Nini zaidi atasema Bwana,
Imani yenu ipate kuzidi?**

**Wambiwapo vuka maji ya giza,
Mito ya mashaka haitazidi;
"Takuwapo nawe, nikuwezeshe,
Shida upatazo zisikutishe!"**

**Utakapopishwa ndani ya moto
Nguvu nitakupa, upate pato;
Huteketezwi, ila taka zako.
Na zitasalia dhahabu zako.**

**Na mtu aliyenitegemea
Nguvu za Jehanamu zijapotisha
Kamwe kwa adui sitamtia;
Mtu wangu kamwe sitamuacha.**

**076-Mrithi Ufalme
Heir Of The Kingdom (SDAH594)
Doh ni B?**

**Mrithi ufalme, kwani walala?
Karibu wokovu wasinzia?
Amka, simama, uvae silaha,
Haraka sana, saa zapita.**

**Mrithi ufalme mbona 'kawia?
M-bona hupokei zawadi?
Haya, uvae, Mwokozi yuaja;
Haraka, umlaki afikapo.**

**Mataifa makuu ya dunia
Yapigana na kujiangusha,
Usizihofu dalili, mrithi;
Ishara zote hazikawii.**

**'Sitazame anasa za dunia!
Kwani hayo yapita upesi.
Zivunje kamba zinazokufunga.
Mrithi ufalme, njoo'karudi.**

**Inua kichwa, tazama mbele tu.
M-falme aja na utukufu;
Jua laonekana milimani,
Warithi ufalme furahini.**

**077-Habari za Usiku
Watchmen, On The Walls Of Zion (SDAH601)
Doh ni D**

**Je! Mlinzi ukutani
Wa mji wa Zayuni,
Habari zake usiku?
Asubuhi karibu?
Kuna dalili za kupambazuka?
Kuna dalili za kupambazuka?**

**Katika safari yetu
Twaona nchi kavu?
Tutalala baharini?
Bandari bado mbali?
Kweli, kweli tutaona ufalme
Kweli, kweli tutaona ufalme**

**Tunaona nuru yake
Nyota ya asubuhi;
Nyota, tukufu na safi
Inang'aa mbinguni
Furahini, wokovu u karibu
Furahini, wokovu u karibu**

**Tumetazama ramani,
Kweli pwani si mbali;
Twende mbele, kwa upesi
Tutaona bandari;
Furahani, imbeni nyimbo zenu
Furahani, imbeni nyimbo zenu**

**078-Mpaka Lini Bwana
How Long, O Lord Our Saviour
Doh ni B**

**Mpaka lini Bwana
Utakaa mbali?
Kumetuchosha moyo
Kukawia hivi.
Utatujia lini,
Ili tufurahi
Katika ile nuru,
Kuja kutukufu?**

**Mpaka lini, Yesu,
Utaacha watu
Uliowakomboa
Wawe na mashaka?
Wachache waamini
Kwamba utarudi;
Wachache wa tayari
Bwana kukulaki.**

**Waamshe watu wako:
Tangaza kilio:
"Mwe watakatifu,
Bwana yu karibu!"
Utatujia lini,
Ili tufurahi
Katika ile nuru,
Kuja kutukufu?**

**079-Nataka Imani Hii
O For A Faith (SDAH553)
Doh ni A?**

**Nataka imani hii: Imani imara
Ambayo haitetemi Kitu chote Wakati
wa shida,
Wakati wa shida.**

**Isiyonung'unika Huzuni, taabu;
Lakini Katika saa ya matata Humwa-
mini Mungu
Humwamini Mungu.**

**Imani inayong'aa Katika tufani;
Isiyoogopa giza, wala shida, Njaa na
hatari
Njaa na hatari.**

**Haigopi dunia, Kudharau kwake;
Haiangushwi na hila, na uwongo
Dhambi na ogofyo
Dhambi na ogofyo.**

**Bwana, nipe imani hii, Hivi nitaweza
Kuonja hapa chini ulimwenguni,
Kurithi furaha**

080-Tupe Moto Wa Uhai
O For That Flame Of Living Fire (SDAH264)
Doh ni B?

**Tupe moto wa uhai Uliowaka zamani,
Uliowaongoza juu Wazee watakatifu.**

**Wapi roho iliyokaa Moyoni mwa Ibrahimu?
Kadhalika ndugu Paulo Aliwezeshwa na moto.**

**Neema yako haina Nguvu siku hizi sawa
Kama wakati wa Musa, Ayubu na wa Eliya.**

**Zamani za kale, Bwana, Kumbuka na kwa rehema,
Zihuishe roho zetu Kwa Roho Mtakatifu.**

081-Siku Sita Zimepita
Another Six Days' Work
Doh ni B

**Siku sita zimepita, Sabato tena karudi;
Shangilie roho yangu, itukuze kwa busara.**

**Msifuni awapaye pumziko tamu wachovu,
Kwake roho yatulizwa , kupita siku
nyingine.**

**Moyo wetu ufurahi, na kutoa mashukuru;
Ujalizwe raha ile, yasiyopitika kamwe.**

**Raha hiyo ya rohoni, ni amana ya pumziko
Ambalo limewekwa juu, kikomo cha ma-
sumbuko.**

082-Ni Siku Ya Furaha
O Day Of Rest And Gladness (SDAH382)
Doh ni F

**Ni siku ya furaha, ni siku ya nuru;
Nasi twaona raha, kuja kushukuru;
Leo watu wa Mungu, wadogo, wakubwa,
Hukaribia mbingu, lilipo baraka.**

**Leo, ndiyo bandari, nasi twawasili,
Hiyo bustani nzuri, ya nyingi fadhili.
Kijito cha baridi kimefanywa ziwa,
Na kiu ikizidi, twanywa maridhawa.**

**Leo ngazi na iwe ifikayo juu,
Mawazo na yasiwe ya duniani tu:
Leo ni kujilisha chakula cha mbingu,
Na kujifurahisha kwa mambo ya Mungu.**

**083-Ewe Skuli Ya Sabato
Sweet Sabbath School
Doh ni A?**

**Ewe skuli ya Sabato,
U Pazuri sana;
moyo wangu wanivuta,
Nije kwako leo.**

**CHORUS
Sabato...ni nzuri...
Sabato...ni nzuri...
Moyo wangu wanivuta,
Nije kwako leo.**

**Moyo wangu mpotovu,
Hapa una raha;
Ndipo nimwonapo Yesu,
Nije kwako leo.**

**Hapa Yesu mwenye pendo
Aniita pole;
Nimtolee moyo Yeye,
Nije kwako leo.**

084-Ikumbuke Sabato
Don't Forget The Sabbath (SDAH388)
Doh ni C

**Ikumbuke kote, Sabato ya Bwana,
Siku tamu na bora, kupita nyingine;
Yatuletea raha, na furaha kweli,
Mwanga wake hungaza, urembo wa Yesu.**

CHORUS

**Karibie, karibie, Sabato tamu;
Karibie, Yesu pia, Bwana wa raha.**

**Itakase kweli, ukamsifu leo,
Yeye aliyesema, "Mimi ndiye njia";
Nasi tukimfuata Mkombozi hapa.
Atatunywesha tele maji ya uzima.**

**Siku ya nderemo! tupishe wakati,
Tukimwimbia Yesu Rafiki Mpendwa;
Mponya wetu leo, U mwema ajabu!
Ukae kwetu, Bwana, moyoni daima.**

085-Salama Tumepita
Safely Through Another Week (SDAH384)
Doh ni G

**Salama tumepita, safarini juma hii,
Tumwendee Mwokozi, atubariki sasa;
Siku hiyo ya raha, siku bora ya juma.
Siku hiyo ya raha, siku bora ya juma.**

**Utupe nuru leo toka hazina yako;
Ondoa dhambi zetu, tupokee na pendo;
Mikono yapumzika, tuishi ndani yako,
Mikono yapumzika, tuishi ndani yako.**

**Twakusanyika hapa, tusifu jina lako;
Ukaribie kwetu, tupe neema Bwana;
Utamu tusikize, wa raha ya milele:
Utamu tusikize, wa raha ya milele.**

**Injili yako leo, ishike wenye dhambi;
Itupe nguvu nyingi, iponye wenye shida;
Mioyo yetu shangaza, vyakula utulishe,**

086-Ukaribie Tena

**Welcome, Welcome, Day Of Rest
(SDAH391)**

Doh ni G

**Ukaribie tena, ewe siku ya raha;
Roho yakusalimu kama mwanga wa
mbingu.**

**Raha yako tulivu, yafurahisha moyo;
Yatuliza taabu, hata waisha mwendo.**

**Ee siku takatifu, ya sifa na maombi,
Na kutuhekimisha, baraka yako kubwa**

**087-Siku Ya Sabato
Thy Holy Sabbath Lord**

**Siku ya Sabato, siku takatifu,
Watu wako Mungu wetu, waipenda sana.**

**Uliitakasa, uliibariki,
Siku hiyo ya Sabato, siku yako Bwana.**

**Nasi tubariki tukikuabudu,
Katika siku ya raha, siku yako Bwana.**

**Halafu mbinguni, pamoja na wewe,
Tunataka kuzishika Sabato za Bwana.**

088-Siku Hii Ya Sabato
How Sweet Upon This Sacred Day
Doh ni E?

Siku hii ya Sabato, Tamu kufikiri
Juu ya Mungu na Mbingu; kuacha dunia.

Tamu kusikia Neno Toka mhubiri
Anayefundisha toba, Tupate uzima.

Katika vita na dhambi, Ikiwa twashindwa,
Yeye atatupa nguvu Aonaye moyo.

089-Asubuhi

Lord, In The Morning (SDAH39)

Doh ni F

**Bwana asubuhi kucha nitakuinua
Sauti yangu kuomba, nipate baraka.**

**Nakuomba roho yako niongozwe nayo;
Nifanye yanipasayo, na mapenzi yako.**

**Wanaokutegemea, U Mlinzi wao;
Matumaini wanayo, utayatimiza.**

**Na kwa wingi wa fadhili, Nyumbani mwako juu
Nitaingia na wimbo, Pale kusujudu.**

**090-Mapya Ni Mapenzi
New Every Morning**

**Mapya ni Mapenzi hayo, Asubuhi tuonayo;
Saa za giza hulindwa, Kwa uzima kuamka.**

**Kila Siku, mapya pia, Rehema, wema, na
atya,
Wokovu, na msamaha, Mawazo mema,
furaha.**

**Tukijitahidi leo Na mwendo utupasao,
Mungu atatuletea Yatakayompendeza.**

**Mambo yetu ya dunia Bwana atayang'aria
Matata atageuza Yawe kwetu ya baraka.**

**Yaliyo madogo, haya Bwana tukimfanyia,
Yatosha: tutafaidi Huvuta kwake zaidi.**

**Ewe Bwana, siku zote, Tusaidie kwa yote:
Mwendo wetu wote vivyo, Uwe kama tuom-
bavyo.**

**091-Kaa Nami
Abide With Me (SDAH50)
Doh ni E?**

**Kaa nami, ni usiku tena;
Usiniache gizani, Bwana.
Msaada wako haukomi;
Nili peke yangu, kaa nami.**

**Siku zetu hazikawi kwisha;
Sioni la kunifurahisha;
Hakuna ambacho hakikomi,
Usiye na mwisho kaa nami.**

**Nina haja nawe kila saa;
Sina mwingine wa kunifaa
Mimi nitaongozwa na nani
Ila wewe? Bwana, kaa nami.**

**Sichi neno uwapo karibu;
Nipatalo lote, si taabu;
Kifo na kaburi haviumi;
Nitashinda kwako, kaa nami.**

**Nilalapo nikuone wewe,
Gizani mote nimulikiwe;
Nuru za mbinguni hazikomi,
Siku zangu zote; kaa nami.**

**92-Magharibi Jua
Day Is Dying In The West (SDAH51)
Doh ni A?**

**Magharibi jua limekwisha kushuka,
Mwezi na nyota sasa vinamsifu Muumba
wa usiku.**

**CHORUS
Mungu Mtukufu, Mungu Mkuu,
Wote juu Mbinguni, na wanadamu chini
Twakusifu.**

**Mpaji wa uhai, ukaaye mbinguni.
Utuhifadhi sisi, tufahamu gizani, U karibu.**

**Mapenzi yako makuu yawe nasi usiku,
Tuli usingizini, kucha vivyo rohoni
Tushukuru.**

**Na utakapokuja na nguvu kutawala,
Mungu wangu kubali kunichukua mimi
Uliko juu.**

**Baba, Mwana, Roho, Mungu wetu.
Wote juu mbinguni, na wanadamu chini
Twakusifu.**

**093-Jua La Rohoni Mwangu
Sun Of My Soul (SDAH502)
Doh ni F**

**Jua la rohani mwangu, mpendwa Mwokozi
wangu;
Usiku giza hapana, ukiwa karibu Bwana.**

**Nikipata usingizi, nijaze fikara hii,
Ni tamu sana, nilale pendoni mwako
milele.**

**Kaa nami, ewe Bwana, usiku kama
mchana,
Nisiishi mbali nawe; ni uhai kuwa nawe.**

**Kama mtoto mnyonge ameshawishwa
atange,
Mtafute ewe Bwana, ujirudishie tena.**

**Wagonjwa wape amani, waneemeshe
maskini,
Waliao, Mtulizi, wape wote usingizi.**

**Asubuhi tutokapo, tukaribie tulipo;
Twingiapo duniani tuwe mwako mkononi.**

**094-Po Pote Mashamba Yajaa
Far And Near The Fields (SDAH358)
Doh ni A?**

**Po pote mashamba yajaa, tele nafaka pevu,
Po pote yang'aa meupe bondeni na
nyandani.**

CHORUS

**Mwenye mavuno, twasihi upeleke
wavuni,
Wayakusanye mazao, hata kazi yaishe.**

**Wapeleke uchaoni, waende na jotoni,
Hata jua lishukapo wakusanye ko kote.**

**Enyi wakazi wa Bwana yaleteni mazao,
Na jioni ingieni kwake na furaha kuu.**

**095-Zileteni Zaka Kwa Hazina.
Bring Ye All The Tithes**

**Sikieni neno la Mungu Wetu, zileteni zaka kwa
hazina
Leteni na mioyo yenu yote; mibaraka itakuja.**

CHORUS

**Zileteni zaka kwa hazina,
kanijaribu sasa nazo;
Nitakupeni mibaraka,
zaidi ya nafasi ya kupewa**

**Wataka Roho Mtakatifu kwako? Uzilete zaka kwa
hazina,
Ukae karibu na Bwana wako, ndipo utabarikiwa.**

**Je una kasoro na Bwana wako? Uzilete zaka kwa
hazina,
Uzilete kama alivyosema, Ndipo utabarikiwa.**

**Ushukuru Bwana na moyo wote, unapoleta zaka
ghalani;
Usadiki ahadi zake zote, ndipo utabarikiwa.**

**Tuimbe sote nyimbo za furaha, tunapoleta zaka
ghalani
Twimbe kabisa na furaha kubwa, kwani
tutabarikiwa.**

096-Mali Yako Sasa
We Give Thee But Thine Own (SDAH670)
Doh ni G

**Mali yako sasa, Bwana, tutatoa;
Hatuna yaliyo yetu, Yote ni vipaji.**

**Sisi watumishi, Twaungama deni;
Tungeirudisha kwake, Iliyo ya Bwana.**

**Utusaidie, Upendo kujua,
Kwa ajili yao wote Walio gizani.**

**Neno tumaini Na kutegemea;
Kwamba lote tufanyalo, Tulifanye kwako**

097-Sioshwi Dhambi Zangu
What Can Wash Away My Sin?
Doh ni G

**Sioshwi dhambi zangu bila damu yake Yesu,
Hapendezewi Mungu bila damu yake Yesu.**

CHORUS

**Hakuna kabisa dawa ya makosa
Ya kututakasa ila damu yake Yesu.**

**La kunisafi sina ila damu yake Yesu,
Wala udhuru tena ila damu yake Yesu.**

**Sipati patanishwa bila damu yake Yesu,
Hukumu yanitisha, bila damu yake Yesu.**

**Sipati tumaini bila damu yake Yesu,
Wema wala amani bila damu yake Yesu.**

**Yashinda ulimwengu, iyo, damu yake Yesu,
Na kutufikisha juu, iyo, damu yake Yesu.**

**098-Nilikupa Wewe
I Gave My Life For Thee (SDAH281)**

**Nilikupa wewe, damu ya moyoni,
Ili wokolewe, winuke ufuni.**

CHORUS

**Nimekunyima ni wewe? Umenipa nini?
Nimekunyima ni wewe? Umenipa nini?**

**Nilikupa myaka yangu duniani;
Upate inuka, kuishi mbinguni.**

**Nimekuletea, huku duniani;
Pendo na wokovu, zatoka mbinguni.**

**Nipe siku zako, udumu mwangani;
Na taabu yako, wingie rahani.**

**Nafsi, nafsi, pendo, mali, twae Imanweli.
Nafsi, nafsi, pendo, mali, twae Imanweli**

099-Twende Kwa Yesu
Come To The Saviour, Make No Delay
Doh ni B?

**Twende kwa Yesu mimi nawe, njia atuonya tuijue,
Imo chuoni; na mwenyewe, hapa asema njoo!**

CHORUS

**Na furaha tutaiona, myoyo ikitakata sana;
Kwako, Mwokozi, kuonana, na milele kukaa.**

**"Wana na waje," atwambia furahini kwa kusikia;
Ndiye Mwokozi wetu hasa, na tumtii, njoni.**

**Wangojeani? Leo yupo: sikiza sana asemapo;
Huruma zake zitwitapo, ewe kijana, njoo.**

100-Kuwatafuta
Seeking The Lost (SDAH373)
Doh ni B?

Kuwatafuta wasioweza, kuomba wamrejee
Yesu,
Kuwaambia maneno yake "Njooni kwangu,
nawapenda"

CHORUS
Nitakwenda (Nitakwenda) niwatafute
wapotevu (wapotevu) wageuke,
Waingie (waingie) katika zizi la Mwokozi
(la mwokozi) Yesu Kristo.

Kuwatafuta wasioweza, waonyeshwe
Mwokozi wetu,
Kuwaongoza, wapate wote uzima ule
wa milele.

Kazi hiyo nataka kufanya, leo nimesikia
mwito
Kuwainua waangukao, waletwe kwake Yesu
Njia.

101-Yesu Akwita
Jesus Is Tenderly Calling Today
Doh ni C

**Yesu akwita, akwita leo, Uje leo, uje leo,
Kwani kusita, akwita wewe, Unatanga upeo;**

CHORUS
Msikie, msikie
Yesu akwita, ujitoe moyo sasa.

**Waliochoka, na wapumzike, Uje leo, uje leo,
Wenye mizigo, wenye huzuni Wapate mapumziko.**

**Anakungoja uliye yote, Uje leo, uje leo,
Uliyekosa, usijifiche: woshwe, uvikwe nguo.**

**Yesu asihi wakawiao, Waje leo, waje leo,
Watafurahi waaminio, Amka, upesi, Njoo.**

102-Mlangoni Pa Moyo
There's A Stranger At The Door
Doh ni D?

Mlangoni pa moyo, Mgeni! (Amesimama)
Amesimama pale, Mgeni! (Amesimama)
Umkaribishe sasa,
Umkaribishe Mwana
Wa Baba wa upendo: Mgeni! (Umkaribishe)

Moyo wako kwa Bwana, Fungua. (Fungulieni)
Asikuache mbali, Fungua. (Fungulieni)
Umkubali Rafiki,
Roho atafariji
Naye atakutunza: Fungua. (Fungulieni)

Usikie sauti Ya Bwana (Uisikie)
Uyachague mambo Ya Bwana. (Mambo ya Bwana)
Ufungue mlango,
Usimwambie bado:
Jina lake tumai- Ya Bwana (Jina la Bwana)

Na ufungue moyo, Kwa Bwana (Fungulieni)
Utapewa msaada, Wa Bwana (Msaada wetu)
Uzuri utavikwa
Dhambi ataondoa,
Ukifungua moyo, Kwa Bwana (Fungulieni)

103-Njoni Kwangu
Softly And Tenderly (SDAH287)
Doh ni A?

**Yesu huita kwa upole mwingi, atwita wewe nami;
Moyoni mwetu hungoja, hukesha, Hukungoja wewe**

CHORUS
"Njoni kwangu,
Mlischoka, njoni"
Yesu huita kwa upole mwingi
Akwita, "Uje kwangu".

**Atuombeapo usikawie, Hutuombea sisi;
Usidharau wema na huruma, Huruma kwetu sisi.**

**Siku za maisha hupita hima, Hupita kwako, kwangu;
Usiku waja, kifo kinakuja, Huja kwako na kwangu.**

**Fikiri juu ya upendo wake, Upendo kwako, kwangu;
Dhambi zetu amekwisha samehe. Misamaha ni yetu.**

104-Yesu Aliniita, "Njoo"
I Heard The Voice Of Jesus Say (SDAH465)
Doh ni D

**Yesu aliniita, "Njoo, Raha iko kwangu,
Kichwa chako ukilaze Kifuani mwangu"
Nilikwenda kwake mara, Sana nilichoka;
Nikapata kwake raha Na furaha tena.**

**Yesu aliniita, "Njoo, Kwangu kuna maji;
Maji ya Uzima, bure, Unywe uwe hai."
Nilikwenda kwake mara Na maji ni-
kanywa:
Naishi kwake na kiu Kamwe sina tena.**

**Yesu aliniita, "Njoo, Dunia i giza,
Ukinitazama, nuru Takung'arizia."
Nilikwenda kwake mara, Yeye jua langu,
Ni kila wakati mwanga Safarini mwangu.**

**105-Mchungaji Mpenzi
Lovingly, Tenderly Calling
Doh ni F**

**Mchungaji mpenzi hukuita uje
Katika zizi lake panapo salama;
Akina wanawake, waume, vijana,
Yesu aliye kweli, huwaita kwake.**

CHORUS

**Huita kwa moyo wa huruma,
'Uliyepotea uje kwangu';
Hivi kukungoja anadumu
Bwana Yesu Mchungu.**

**Akatoa maisha kwa ajili yetu;
Ataka wapotevu waje kwake sasa;
Tusijihatarishe; kwake tu salama
Sikia wito wake, Mchungaji wetu.**

**Tusikawie tena, adui Shetani,
Kama mbwa wa mwitu, atatuharibu;
Tunaitwa na Yesu, Mkombozi wetu,
Tuingie zizini, panapo nafasi.**

**106-Huna Kitu Kwa Yesu
Nothing For Jesus**

**Ukitafuta mali, Huna wasaa kwa Yesu?
Kwa matendo ya haki Huna wasaa kwa
Yesu?**

**Anasa na dunia, Mambo yako ya raha
Haya unatafuta; Huna wasaa kwa Yesu?**

**Mambo yanakusonga: Kwake huna nafasi?
Watekwa na dunia, kwake huna nafasi?
Humwoni m-langoni, Anapopiga hodi?
Daima hukusihi: kwake huna nafasi?**

**Sa-a ni za thamani, Kwake hamnayo kazi?
Wala hamfanyi bidii, Kwake hamnayo
kazi?**

**Hamkufikia kwao Waliomo shimoni
Na waliopotea? Kwake hamnayo kazi?**

**Na wazaa majani tu? Huna tunda kwa
Yesu?**

**Mikono i mitupu, Huna tunda kwa Yesu?
Huna chembe kwa ghala Kazi yako kulipa;
Wala huna furaha Unapomwona Yesu?**

**107-Nipo Bwana, Nitume
Hark! The Voice Of Jesus (SDAH359)
Doh ni D**

**Sauti ni yake Bwana, "Kwenda, nani
tayari?"
Mavuno yanakawia, Nani atayavuna?
Kwa kudumu anaita, Zawadi atatoa;
Nani atakayejibu "Nipo Bwana, nitume."**

**Kama huwezi safari Hata nchi za mbali,
Pana watu karibuni Wasiomjua Yesu;
Kama huwezi kusema Jinsi ya malaika,
Waweza kuutangaza Upendo wa Mwokozi.**

**Ingawa huwezi kuwa Mkesha mlangoni,
Ukiwatolea watu Nafasi ya uzima;
Kwa sala na kwa sadaka Watoa msaada
Kama Harun mwaminifu, Kuinua mikono.**

**Roho za watu zikifa, Bwana akikuita,
Usiseme kwa uvivu, "Hakuna kazi kwangu."
Kwa furaha anza kazi Ile aliyokupa,
Ukajibu mara moja "Nipo Bwana, nitume."**

108-Tumesikia Mbiu
We Have Heard A Joyful Sound (SDAH453)
Doh ni G

Tumesikia mbiu: Yesu huokoa;
Utangazeni kote, Yesu huokoa.
Tiini amri hiyo: nchini baharini.
Enezeni mbiu hii: Yesu huokoa.

Imba nawe askari: Yesu huokoa;
Kwa nguvu ya kombozi, Yesu huokoa.
Imbeni wenye shida, unapoumwa moyo,
Na kaburini imba: Yesu huokoa.

Mawimbini uenee, Yesu huokoa;
Wenye dhambi jueni: Yesu huokoa;
Visiwa na viimbe, vilindi itiken,
Na nchi shangilie; Yesu huokoa.

Upepo utangaze: Yesu huokoa;
Mataifa yashangaa: Yesu huokoa.
Milimani, bondeni, sauti isikike
Ya wimbo wa washindi: Yesu huokoa.

109-Anisikiaye
Whosoever Heareth
Doh ni D (Kwa Furaha)

**Anisikiaye, aliye yote, sana litangae, wajue wote,
Duniani kote neno wapate, atakaye na aje!**

CHORUS

**Ni "atakaye," ni "atakaye";
Pwani hata bara, na litangae:
Ni Baba mpenzi alinganaye atakaye na aje.**

**Anijiliaye, Yesu asema, asikawe, aje hima mapema;
Ndimi Njia, kweli, ndimi Uzima: atakaye na aje!**

**Atakaye aje, ndiyo ahadi; atakaye hiyo haitarudi!
Atakaye lake, ni la ahadi! atakaye na aje.**

110-Mlango Wazi
There Is A Gate
Doh ni C

Mlango uko wa wema, Mlango wazi huo:
Yesu ameufungua Na hakuna kufunga.

CHORUS

Mlango wazi, ajabu, Uliachwa wazi
kwangu?
Kwangu, Kwangu? Wazi, wazi kwangu?

Mlango hukaa wazi Watu waokolewe:
Maskini na matajiri Wa mataifa yote.

Maadam mlango wazi, Rafiki kaza mwendo;
Msalaba ukubali-- Amana ya upendo.

Msalaba tutabeba Daima, na furaha!
'Pendo wa Yesu hushinda. Tunainama
kwake!

**111-Tabibu Mkuu
The Great Physician (SDAH254)
Doh ni E?**

**Tabibu mku-u huyu, Yesu mwenye huruma:
Atuletaye faraje: Yesu, Mwokozi wetu.**

CHORUS

**Imbeni, Malaika Sifa za Bwana wetu;
Jina la pekee kwetu, ni la Yesu Bwana.**

**Mwana Kondo-o msifuni Mwokozi:
Hatia zote na dhambi Huziondoa Yesu.**

**Hakuna jina jingine Linalofa-a sifa;
A-u kutufurahisha, Isipokuwa lake.**

**Naye atakapokuja Na utukufu wake,
Tutafurahi milele Kuka-a kwake Bwana.**

**112-Wewe Umechoka Sana?
Art Thou Weary**

**Wewe umechoka sana? Wataka raha?
Kwake Yesu utapata- Msaada.**

**Alama anazo Yeye? Sana! Makovu
Ya Mikono, na miguu, Na mbavu.**

**Naye amevikwa taji Kichwani Mwake?
Taji, kweli, alivikwa- Miiba.**

**Huku nikimfuata, Nipate nini?
Maonjo nje, na ndani- Amani.**

**Kwamba namwandama Yeye, Mwisho
ni nini?
Kurithi furaha naye-Milele.**

113-Bubujiko
There Is A Fountain (SDAH336)
Doh ni C

**Damu imebubujika, Ni ya Imanweli,
Wakioga wenye taka, Husafiwa kweli.**

**Ilimpa kushukuru Mwivi mautini;
Nami nisiye udhuru, Yanisafi ndani.**

**Kondo-o wa kuuawa, Damu ina nguvu,
Wako wote kuokoa Kwa utimilivu.**

**Bwana, tangu damu yako Kunisafi kale,
Nimeimba sifa zako, 'taimba milele.**

**Bwana, umenikirimu Nisiyestahili
Kwa damu yako, sehemu Ya mali ya kweli.**

**Nikubali kukwimbia Mbinguni milele.
Mungu nitamsifia Jina lako pweke.**

114-Yesu Nataka Kutakaswa Sana

Whiter Than Snow (SDAH318)

Doh ni A

**Yesu Mwokozi ili nitakaswe, nataka moyo
uwe enzi yako.**

**Ukiangushe kilichoinuka unioshe sasa niwe
mweupe.**

CHORUS

**Mweupe tu, ndiyo mweupe,
Ukiniosha nitakuwa safi.**

**Bwana Yesu sasa unitazame, unifanye niwe
dhabihu hai."**

**Najitoa kwako, na moyo, vyote; unioshe
sana niwe mweupe.**

**Bwana kwa hiyo nakuomba sana,
nakuongojea miguuni pako,
Wanaokuja hutupi kamwe, unioshe sasa
niwe mweupe.**

115-Naendea Msalaba
I Am Coming To The Cross (SDAH307)
Doh ni G

**Naendea msalaba, Ni mnyonge, mpofu,
Yapitayo naacha nipe msalaba tu.**

CHORUS

**Nakutumaini tu, ewe Mwana wa Mungu;
Nainamia kwako; niponye sasa, Bwana.**

**Nakulilia sana: nalemewa na dhambi;
Pole Yesu asema: "Nitazifuta zote."**

**Natoa vyote kwako, nafasi nazo nguvu,
Roho yangu na mwili viwe vyako milele.**

**Kwa damu yake sasa amenivuta sana,
Upendo hubidisha, nimtafute Mwokozi.**

116-Moyo Safi
One Thing I Of The Lord Desire
Doh ni B

Bwana ninataka hili, kwa kuwa
nimechafuka,
Kwa moto au kwa maji unisafishe kabisa.

CHORUS

Unisafishe Mwokozi ndani, na nje, kwa
moto--
Utakavyo: ili dhambi ife kwangu, ife
kwangu.

Kupewa hekima yote, itakuwa tunu kubwa;
Lakini moyo safi ni, bora kwangu, bora
kwangu.

Mpaka moyo ni safi siwezi kuyafahamu
Mambo mazuri ya mbingu, mambo mazuri
ya mbingu.

**117-Wamwendea Yesu
Have You Been To Jesus?
Doh ni A?**

**Wamwendea Yesu kwa kusafiwa, Kuoshwa
kwa damu ya Kondoo?**

**Je neema yake yatumwagiwa? Waoshwa
kwa damu ya Kondoo?**

CHORUS

**Kuoshwa, kwa damu Itutakasayo ya Kon-
doo?**

**Ziwe safi nguo nyeupe sana; Waoshwa
kwa damu ya Kondoo?**

**Wamwandama daima Mkombozi,
Waoshwa kwa damu ya Kondoo?**

**Yako kwa Msujubiwa mavazi? Waoshwa
kwa damu ya Kondoo?**

**Atakapokuja Bwana-arysi Uwe safi katika
damu!**

**Yafae kwenda mbinguni mavazi; Yaoshwa
kwa damu ya Kondoo?**

**Yatupwe yalipo na takataka; Uoshwe kwa
damu ya Kondoo;**

**Huoni kijito chatiririka Uoshwe kwa damu
ya Kondoo?**

118-Nilipotoka Kabisa
I've Wandered Far Away (SDAH296)
Doh ni A

Nilipotoka kabisa, sasa narudi;
Nikakawia dhambini, Bwana narudi

CHORUS

Narudi nyumbani: daima kwako.
Kwa upendo nipokee: Naja nyumbani.

Nikasusurika sana, sasa narudi;
Mwenye uchungu natubu, Bwana narudi

Nimechoka maovuni, sasa narudi;
Pendo lako lanivuta, Bwana narudi.

Ndilo tumaini langu, sasa narudi;
Yesu alinifilia, Bwana narudi.

Damu yako yanitosha, sasa narudi;
Unioshe kenyekenye, Bwana narudi

**119-Alilipa Bei
I Hear The Saviour Say (SDAH255)
Doh ni E?**

**Yesu anasema, "Wewe huna nguvu
Kesha ukaombe, Na uje, Mwanangu"**

**CHORUS
Alilipa bei, Nawiwa naye;
Dhambi ilitia waa, Aliiondoa.**

**Bwana nimeona, Uwezo wako tu
Waweza 'takasa Mioyo michafu.**

**Sina kitu chema Kudai neema,
Hivi nitafua Mavazi kwa damu.**

**Ninaposimama Juu ya mawingu,
Taji nitaweka Miguuni pa Yesu.**

120-Msalaba wa Yesu
Jesus Keep Me Near The Cross (SDAH312)
Doh ni F

**Msalaba wa Yesu, nikae karibu;
Pale pana chemchemi Ya kuponya dhambi.**

CHORUS

**Pale msalaba Msalaba wake,
Huo ni sifa yangu Kwa maisha yote.**

**Karibu msalaba Nalitetemeka,
Pendo likaniona Likanirehemu.**

**Unikumbushe, Yesu. Nikuone pale;
Niupate upendo Na kuvutwa nao.**

**Karibu msalaba, Kwa kutegemea,
Kukeshu na kungoja, Nitakaa pale.**

**121-Katika Wenye Dhambi
Chief Of Sinners
Doh ni A?**

**Katika wenye dhambi, Ndimi mkuu wao-
Ila Yesu akaja, Kwa dhambi alikufa,
Akamimina damu Niupate uzima.**

**Ajabu! Pendo lake! Pendo lililo kuu,
Pendo lisilo mwisho, Lidumulo milele-
Lililonitafuta Ingawa sikumpenda.**

**Ingawa ni mbaya Kristo ni vyote kwangu;
Ajua haja zangu; huzuni zangu, zake;
Hata katika vita, Akiwapo salama.**

**122-Yote Namtolea Yesu
All To Jesus I Surrender (SDAH309)
Doh ni D**

**Yote namtolea Yesu, moyo wangu ni wake;
Ninavutwa na upendo, kwa hivyo, najitoa.**

CHORUS

**Yote kwa Yesu, yote kwa Yesu,
Upendo wako hushinda, Yesu, natoa.**

**Yote namtolea Yesu, nainamia pake;
Nimeacha na anasa, kwako Yesu nipokee.**

**Yote namtolea Yesu, nifunze niwe wako;
Nipe Roho yako, Bwana anilinde daima**

**Yote namtolea Yesu, nami naona sasa,
Furaha ya ukombozi, nasifu jina lake.**

123-Yesu Kwa Imani
My Faith Looks Up To Thee (SDAH517)
Doh ni E?

**Yesu kwa imani, nakutumaini, peke yako;
Nisikie sasa, na kunitakasa, ni wako kabisa
Tangu leo.**

**Nipe nguvu pia za kusaidia moyo wangu;
Ulikufa wewe, wokovu nipewe, nakupenda
wewe,
Bwana wangu.**

**Hapa nazunguka katika mashaka, na mata-
ta;
Palipo na giza utaniongoza, hivi nitaweza
Kufuata.**

**124-Umechokaje Umesumbuka
Are You Weary
Doh ni B?**

**Umechoka, je, Umesumbuka? mwambie Yesu
sumbuko lako;
Unayalilia yapitayo? mwambie Yesu pekee.**

**CHORUS
Mwambie Yesu sumbuko lako,
yu rafiki amini,
Hakuna rafiki kama yeye,
mwambie Yesu pekee.**

**Je machozi yakulengalenga? mwambie Yesu
sumbuko lako;
Walemewa na dhambi rohani? mwambie Yesu
pekee.**

**Waogopa shida na majonzi? Mwambie Yesu
sumbuko lako;
Wasumbukia mambo yajayo? Mwambie Yesu
pekee.**

**Kuwazia kifo kukutisha? mwambie Yesu
sumbuko lako;
Watamania ufalme wake? Mwambie Yesu
pekee**

125-Uniangelie
There's Life In A Look
Doh ni E?

**'Uniangelie' atwambia Yesu aliyetufia:
Msalabani ni uzima, Hapa utaipata hazina.**

CHORUS

**Kutazama Kalwari, Kutazama Kalwari,
Ni kupewa kuishi Kuutazama mti.**

**Ninapojaribiwa ghafula, Shetani hatanitega;
Nikitazama Msalaba, Nguvu nitaipata kwa
Bwana.**

**Msalaba nitautazama Kila wakati, daima.
Ahadi nitategemea, Hivi kabisa sitaanguka.**

**126-Nina Haja Nawe
I Need Thee Every Hour (SDAH483)
Doh ni A?**

**Nina haja nawe kila saa;
Hawezi mwingine kunifaa.**

CHORUS

**Yesu nakuhitaji vivyo kila saa!
Niwezeshe Mwokozi, nakujia.**

**Nina haja nawe; kaa nami,
Na maonjo haya, hayaumi.**

**Nina haja nawe; kila hali,
Maisha ni bure, uli mbali.**

**Nina haja nawe; Nifundishe,
Na ahadi zako zifikishe.**

**Nina haja nawe; mweza yote,
Ni wako kabisa siku zote.**

127-Ni Salama Rohoni Mwangu
When Peace Like A River (SDAH530)
Doh ni D?

Nionapo amani kama shwari, au nion-
apo shida;
Kwa hali zote umenijulisha ni salama
rohoni mwangu.

CHORUS
Salama rohoni,
Ni salama rohoni mwangu.

Ingawa Shetani atanitesa, nitajipa
moyo kwani,
Kristo ameona unyonge wangu;
amekufa kwa roho yangu.

Dhambi zangu zote, wala si nusu,
huwekwa msalabani;
Wala sichukui laana yake, ni salama
rohoni mwangu.

Ee Bwana himiza siku ya kuja, panda
itakapolia;
Utakaposhuka sitaogopa ni salama
rohoni mwangu.

128-Taamini Nitii Pia
When We Walk With The Lord
Doh ni F

Namwandama Bwana kwa alilonena,
Njia zangu huning'azia;
Na nikimridhisha atanidumisha,
Taamini nitii pia.

CHORUS

Kuamini, Njia pweke ni hii
Ya furaha kwa Yesu: Amini ukatii.

Giza sina kwangu wala hata wingu,
Yeye mara huviondoa;
Oga, wasiwasi sononeko, basi;
Huamini nitii pia.

Masumbuko yote, sikitiko lote;
Kwa mapenzi hunilipia;
Baa, dhara, dhiki, vivyo hubariki.
Taamini nitii pia.

Mimi sitajua raha sawasawa
Ila yote Yesu kumtoa;
Napata fadhili na radhi kamili,
Taamini nitii pia.

Nitamfurahia na kumtumaini,
Majumbani na njia-njia;
Agizo natenda; nikitumwa hwenda,
Huamini nitii pia.

129-Kumtegemea Mwokozi
Tis So Sweet To Trust (SDAH524)
Doh ni A

**Kumtegemea Mwokozi, kwangu tamu kabisa;
Kukubali neno lake, nina raha moyoni.**

CHORUS

**Yesu, Yesu namwamini, nimemwona thabiti;
Yesu, Yesu yu thamani, ahadi zake kweli.**

**Kumtegemea Mwokozi, kwangu tamu kabisa;
Kuamini damu yake nimeoshwa kamili.**

**Kumtegemea Mwokozi, kwangu tamu kabisa;
Kwake daima napata, uzima na amani.**

**Nafurahi kwa sababu nimekutegemea;
Yesu, M-pendwa, Rafiki, uwe nami dawamu.**

130-Yesu Kwetu Ni Rafiki
What A Friend We Have In Jesus (SDAH499)
Doh ni F

**Yesu kwetu ni rafiki, hwambiwa haja pia;
Tukiomba kwa Babaye, maombi asikia;
Lakini twajikosesha, twajitweka vibaya;
Kama tulimwomba Mungu, dua alisikia.**

**Una dhiki na maonjo? una mashaka pia?
Haifai kufa moyo, dua atasikia,
Hakuna mwingine Mwema, wa kutuhurumia;
Atujua tu dhaifu; maombi asikia.**

**Je, hunayo hata nguvu, huwezi kwendelea,
Ujapodharauliwa, ujaporushwa pia,
Watu wakikudharau, wapendao dunia,
Hukwambata mikononi, dua atasikia.**

131-Baba Anilinda
I Trust In God

Namtegemea Mungu niwapo
Humo barani na baharini,
Yeye wa mbinguni anilinda.
Baba wa mbinguni anilinda.

CHORUS

Namwamini, Mungu anitunza (anitunza)
Milimani (milimani) au baharini (baharini), baha-
rini
Moyo wangu (moyo wangu) aulinda (aulinda),
Baba wa mbinguni anilinda.

La Waridi alinawirisha,
Na huyo tai juu angani,
Nami kweli anilinda,
Baba wa mbinguni anilinda.

Tunduni mwa simba namwamini,
Kwenye vita ama gerezani,
Motoni na furikoni,
Baba wa mbinguni anilinda.

Bondeni mwa giza na upweke,
Mehunga wangu yuanilinda,
Kwa upole aniongoza.
Baba wa mbinguni anilinda.

**131a-Kwa Mahitaji Ya Kesho
Lord For Tomorrow And It's Needs**

**Kwa mahitaji ya kesho, Sina ombi;
Unilinde nisitende Dhambi leo;
Nisiseme neno baya, Mkombozi,
Nisifikiri uovu, Leo hivi.**

**Ningefanya kazi sawa Na kuomba;
Ningekuwa mtu mwema Kila saa;
Mapenzi yako nifanye, Na kutii;
Nitoe mwili dhabihu, Leo hivi.**

**Kama leo ningekufa kwa ghafula,
Nitegemee ahadi zako Bwana.
Kwa mahitaji ya kesho Sina ombi;
Uniongoze, nishike Leo hivi.**

**131a-Kwa Mahitaji Ya Kesho
Lord For Tomorrow And It's Needs**

**Kwa mahitaji ya kesho, Sina ombi;
Unilinde nisitende Dhambi leo;
Nisiseme neno baya, Mkombozi,
Nisifikiri uovu, Leo hivi.**

**Ningefanya kazi sawa Na kuomba;
Ningekuwa mtu mwema Kila saa;
Mapenzi yako nifanye, Na kutii;
Nitoe mwili dhabihu, Leo hivi.**

**Kama leo ningekufa kwa ghafula,
Nitegemee ahadi zako Bwana.
Kwa mahitaji ya kesho Sina ombi;
Uniongoze, nishike Leo hivi.**

132-Bwana Ni Mchungu
The Lord Is My Shepherd (SDAH546/552)
Doh ni G

**Bwana ni Mchungu, Sitahitaji;
Majani mabichi malisho yangu,
Ananinyweshwa maji matulivu;
Atanirudisha nikipotea.**

**Nipitapo bondeni mwa mauti,
U Mlinzi wangu- Sitaogopa;
Fimbo lako latosha kunilinda;
Ukinifariji sina hasara.**

**Kati ya mateso meza waandaa,
Na kikombe changu kinafurika;
Umenipaka kichwani mafuta;
Nitautilizaje zaidi kwako?**

**Wema na fadhili zinifuata
Siku zangu zote hata milele;
Nami nitakaa nyumbani mwa Bwana
Katika ufalme wa pendo lake.**

133-Po Pote na Yesu
Anywhere With Jesus (SDAH508)
Doh ni D

Po pote na Yesu nina furaha: Anitumako Yesu ndiyo raha.
Asipokuwapo hapanifai, Akiwapo Yesu, mimi sitishwi.

CHORUS

Po pote, po pote, sina mashaka;
Po pote na Yesu naweza kwenda.

Akiwapo Yesu, si peke yangu; Na nijapotupwa, akali wangu;
Ajaponiongoza njia mbaya, Niwapo na Yesu nashukuria.

Akiwapo Yesu naweza lala, Naweza pumzika hata kiyama;
Kisha nitakwenda kwake milele, Akiwapo Yesu furaha tele

134-Tafuta Daima Utakatifu
Take Time To Be Holy (SDAH500)
Doh ni F

**Tafuta daima utakatifu;
Fanya urafiki na Wakristo tu;
Nena siku zote na Bwana wako,
Baraka uombe kwa kila jambo.**

**Tafuta daima utakatifu;
Uwe peke yako ukimwabudu;
Ukimwangalia Mwokozi wako,
Utabadilishwa kama alivyo.**

**Tafuta daima utakatifu;
Kiongozi wako awe Yesu tu;
Katika furaha au huzuni,
Daima kumfuata Yesu Mwokozi.**

**Tafuta daima utakatifu;
Umtawaze Roho moyoni mwako,
Akikuongoza katika haki,
Hufanywa tayari kwa kazi yake.**

**135-Kwa Maombi Nachangamka
Sweet Hour Of Prayer (SDAH478)
Doh ni D**

**Saa heri ya maombi, sasa kwako tunarudi,
Sumbuku ya kuondoa, shida zetu na pungufu.
Taabuni mara nyingi, roho zetu zimepona,
Mashakani tumeshinda, wakati wa saa tamu.**

**Saa heri ya maombi, twapeleka dhiki zetu,
Kwake aliyeahidi kubariki wenye haja.
Huagiza tumwendee, tutegemee neno lake,
Hivyo tumwekee yote, wakati wa saa tamu.**

**Saa heri ya maombi, tutazidi kuingia,
Bomani mwetu na ngome, hata tuishapo mwendo.
Yesu atatusikia, tutamtafuta daima,
Na tutakapokutana tutamwona- saa tamu!**

**136-Niwe Kama Yesu
Teach Me Father (SDAH492)
Doh ni E?**

**Unifundishe Baba; Ile njia ya sala;
Uniendeshe sana, Niwe kama Yesu.**

CHORUS

**Niwe kama Yesu, Niwe kama Yesu,
Uniongoze Baba; Niwe kama Yesu.**

**Unipe pendo Baba, Watu kuwaokoa;
Nyumbani na mjini. Niwe kama Yesu.**

**Na unifahamishe, wakati ndio mfupi;
Unibidishe, Bwana, Niwe kama Yesu.**

137-Saa Heri Ya Sala
'Tis The Blessed Hour Of Prayer (SDAH501)
Doh ni E

**Saa heri ya sala tunapojidhili,
Kama tukija kwake Yesu rafiki.
Tukiwa na imani kwamba yu mlinzi,
Waliochoka sana watapata raha.**

CHORUS

**Saa ya sala, iliyo heri;
Waliochoka sana watapata raha.**

**Saa heri ya sala, ajapo Mwokozi,
Ili awasikie watoto wake.
Hutwambia tuweke miguuni pake
Mizigo yetu yote; tutapata raha.**

**Saa heri ya sala, wawezapo kuja
Kwa Bwana Yesu wanaojaribiwa;
Moyo wake mpole, atawarehemu;
Waliochoka sana watapata raha.**

**Saa heri ya sala tutakapopewa
Mibaraka ya roho, tukimwamini;
Kwa kuamini kweli hatutaogopa;
Waliochoka sana watapata raha.**

**138-Nitakuandama Kote
I Will Follow Thee (SDAH623)
Doh ni A?**

**Nitakuandama kote, nitakapoagizwa,
Wewe ukiniongoza nami nitaandama.**

CHORUS

**Nitakuandama kote, naam, ulinifia;
Kwa neema yako Bwana napenda kuandama.**

**Njia ijapoparuza kwa miiba na fujo,
Ulitangulia mbele nami nitaandama.**

**Nijapokuta taabu na majaribu kote,
Nakumbuka shida yako, nami nitaandama.**

**Nijapoona ukiwa na mateso makali,
Wewe uliyatikiza nami nitaandama.**

**Ijapo wanipeleka vilindini mwa giza,
Wewe uliyatikiza nami nitaandama.**

**139-Uliniimbie Tena
Sing Them Over Again (SDAH286)
Doh ni G**

**Uliniimbie tena, Neno la uzima;
Uzuri wako nione, Neno la uzima;
Neno hili zuri, lafundisha kweli;**

CHORUS

**Maneno ya uzima ni maneno mazuri,
Maneno ya uzima ni maneno mazuri.**

**Kristo anatupa sote, Neno la uzima;
Mwenye dhambi asikie Neno la uzima.
Latolewa bure, Tupate wokovu.**

**Neno tamu la Injili, Neno la uzima;
Lina amani kwa wote Neno la uzima;
Litatutakasa, kwa haki ya Mwana.**

**140-Hivi Nilivyo Unitwae
Just As I Am (SDAH314)
Doh ni E?**

**Nitwae hivi nilivyo, umemwaga damu yako,
Nawe ulivyoniita, Bwana Yesu, sasa naja.**

**Hivi nilivyo; si langu kujiosha roho yangu;
Nisamehe dhambi zangu, Bwana Yesu, sasa
naja.**

**Hivi nilivyo; sioni kamwe furaha moyoni,
Daima ni mashakani, Bwana Yesu, sasa naja.**

**Hivi nilivyo kipofu, maskini na mpungufu;
Wewe ndiwe u tajiri, Bwana Yesu, sasa naja.**

**Hivi nilivyo, mimi tu, Siwezi kujiokoa;
Na wewe hutanikataa, Bwana Yesu, sasa naja.**

**Hivi nilivyo; mapenzi yamenipa njia wazi;
Hali na mali sisazi, Bwana Yesu, sasa naja.**

**141-Chini Ya Msalaba
Beneath The Cross Of Jesus (SDAH303)
Doh ni D?**

**Chini ya msalaba Nataka simama;
Ndio mwamba safarini, Wa kivuli chema;
Ni kweli kwa roho yangu Ni tuo kamili,
Tatua mzigo wangu Wakati wa hari.**

**Hapa ni pema sana, Ni ngome kamili;
Hapa yameonekana, Mapenzi ya kweli;
Kama alivyoonyeshwa Yakobo zamani,
Msalaba umekuwa Ngazi ya mbinguni.**

**Na Yesu Msalabani Walimkemea,
Alikufa niokoke Niliyepotea;
Naona ajabu sana Ya mambo mawili
Jinsi alivyonipenda Nisiyestahili.**

**Atakayeonana Na Yesu mbinguni,
Njia yake aanzapo Ni Msalabani;
Wokovu upo hapa tu, Mwingine hapana,
Kisha kuna furaha kuu Pamoja na Bwana.**

142-Nasikia Sauti Yako
I Hear Thy Welcome Voice (SDAH282)
Doh ni E

**Nasikia mwito, Ni sauti yako;
Nikasafiwe kwa damu Ya kwangikwa kwako.**

CHORUS
**Nimesongea Mtini pako,
Unisafi kwa damu ya kwangikwa kwako.**

**Ni mnyonge kweli, Umenipa nguvu;
Ulivyonisafi taka Ni mtulivu.**

**Yesu huniuvya; Mapenzi, imani,
Tumai, amani, radhi, Hapa na mbinguni.**

**Napata wokovu, Wema na neema;
Kwako Bwana nina nguvu Na haki daima.**

143-Naamini
Father, I Stretch My Hands (SDAH486)
Doh ni G

**Baba sina msaada Ila kwako pekee;
Kama kwangu ungefichwa, Nifanyeje, Baba?**

CHORUS

**Sasa hivi naamini Yesu alikufa,
Aliimwaga damu yake, Nitoke dhambini.**

**Naamini mwana wako Nipe nguvu zako;
Nijazie mahitaji, Katika saa hii.**

**Ni furaha gani kwangu Kukuona uso?
Nijue sauti yako, Nipate neema**

**144-Ni Wako Bwana
I Am Thine O Lord (SDAH306)
Doh ni A?**

**Ni wako, Bwana, ninasikia Unaponena nami;
Lakini, kweli, nataka kwako Nizidi kusongea;**

CHORUS

**Bwana vuta, (vuta) nije nisongee
Sana kwako mtini,
Bwana, vuta, vuta, nije nisongee
Pa damu ya thamani.**

**Niweke sasa nikatumike Kwa nguvu za neema;
Utayopenda nami nipende Nizidi kukwandama.**

**Nina furaha tele kila saa Nizungumzapo nawe;
Ninanena kama kwa rafiki Nikipiga magoti.**

**145-Namtaka Bwana Yesu
Take The World (SDAH329)
Doh ni F**

**Ulimwengu siutaki, Namtaka Bwana Yesu;
Dunia hunidanganya; Yesu yu mwaminifu.**

CHORUS

**Rehema ni ya ajabu! Pendo bila kipimo!
Wokovu mkamilifu, Amana ya uzima!**

**Ulimwengu siutaki, Namtaka Bwana Yesu;
Kati ya dhoruba kali Yeye wimbo mtamu.**

**Ulimwengu siutaki, Namtaka Bwana Yesu;
Safarini duniani Yeye furaha yangu.**

**Ulimwengu siutaki, Namtaka Bwana Yesu;
Msalaba naamini, Hata namwona Yesu.**

**146-Twae Wangu Uzima
Take My Life (SDAH330)
Doh ni G**

**Twae wangu uzima, Sadaka ya daima;
Twae saa na usiku Zikutukuze huku.**

**Twae mikono yangu, Ifanye upendayo,
Twae yangu miguu, Kwa wongozi wako tu.**

**Twae sauti yangu, Niimbe kwa Mungu tu;
Itwae na midomo, Ijae neno lako.**

**Twae dhahabu pia Na yote ya dunia;
Twae yangu hekima, Upendavyo tumia.**

**Nia itwae, Mungu, Haitakuwa yangu;
Twae moyo; ni wako, Uwe makazi yangu.**

**Twae mapenzi yangu, Sifa za moyo wangu;
Twae kabisa nafsi Niwe wako halisi.**

147-Uishi Ndani Yangu
Live Out Thy Life Within Me (SDAH316)
Doh ni E?

Tawala ndani yangu, Ee Yesu, Mfalme.
Uwe kwangu majibu Kwa maswali yangu;
Uishi ndani yangu, Wewe, Mwokozi
Utumishi ni wangu, Wako utukufu.

Hekalu nimetoa, Umelisafisha;
Sasa fahari yako Imulike ndani;
Dunia iwe kimya, Mwili sasa uwe
Mtumwa mtulivu Wa kukutii tu.

Viungo vyake mwili, Vyote vikungoja
Tayari vikitwaa Kwenda, kusimama;
Bila manung'uniko Au malaumu,
Au kusumbuliwa, Pasipo majuto.

Niwe na utulivu Pasipo haraka;
Tayari kungojea Maagizo yako.
Tawala ndani yangu, Ee Yesu, Mfalme,
Uwe kwangu majibu Kwa maswali yote.

**148-Univute Karibu
Close To Thee My Father Draw Me
Doh ni A**

**Univute karibu, Baba, Unikumbatie;
Unisogeze kifuani, Nataka pumziko.**

CHORUS

**Univute karibu (Vuta, univute karibu)
Kwa kamba za upendo, (kwa kamba, kamba,
za upendo)
Univute (Kwa kamba za upendo, Univute
karibu)
Karibu nawe. (Univute karibu)**

**Univute Mwokozi wangu, Na tusiachane;
Mikono yako juu yangu Leo niione.**

**Univute kwa Roho yako, Nifanane nawe;
Unioshe, unihuishe, Niwe safi, huru**

**149-Kuwa Wake Yesu
Would You Live For Jesus
Doh ni G**

**Kuwa wake Yesu, je! ni kusudi lako?
Ungeenda naye njia nyembamba?
Unataka aubebe mzigo wake?
Awe Mwongozi wako.**

CHORUS

**Uwezo wake unakutosha
Na damu yake itakusafi;
Kwa vile ukubali ni bora
Afanye mapenzi yake nawe.**

**Unataka kuitika anapokwita?
Kupata amani kwa kumpa vyote?
Wataka uwezo usianguke kamwe?
Awe Mwongozi wako.**

**Wataka raha katika ufalme wake?
Unghinda kwa majaribu yote?
Ungefanya kazi yake vizuri sana?
Awe Mwongozi wako.**

**150-Hasha, Maneno Mabaya Yasitoke
Angry Words! O, Let Them Never
Doh ni E?**

**Hasha, maneno mabaya Yasitoke kinywani
Moyo mwema uzuie Ndimi, zisichafuke.**

CHORUS

**"Nanyi pendeni", Asema Yesu,
(mpendane) (mpendane)
Kama mwanzo alivyotupenda:
"Nanyi pendeni", asema Yesu
(mpendane) (mpendane)
Wana, tiini amri hii, (amri heri hii).**

**Pendo ni mtakatifu: Urafiki: mzuri;
Visiharibike mara Kwa kunena vibaya.**

**Tusinene kwa hasira, Inazaa huzuni.
Pendo lako, ee Mwokozi, Inatosha tushinde**

**151-Huniongoza Mwokozi
He Leadeth Me (SDAH537)
Doh ni D**

**Huniongoza Mwokozi, ndipo nami hufurahi,
Niendapo pote napo, ataniongoza papo.**

CHORUS

**Kuongoza hunishika; kwa mkono wa hakika;
Nitaandamana naye Kristo aniongozaye.**

**Pengine ni mashakani nami pengine rahani,
Ni radhi, ijayo yote, yupo nami siku zote.**

**Mkono akinishika kamwe sitanung'unika;
Atakachoniletea ni tayari kupokea.**

**Nikiisha kazi chini sitakimbia mauti;
Kushinda ni ya hakika nikiongozwa na Baba.**

**152-Karibu Na Wewe, Mungu Wangu
Nearer, My God, To Thee (SDAH473)
Doh ni G**

**Karibu na wewe, Mungu wangu;
Karibu zaidi Bwana wangu.
Siku zote niwe karibu na Wewe,
Karibu zaidi, Mungu wangu.**

**Mimi nasafiri duniani,
Pa kupumzika sipaoni,
Nilalapo niwe karibu na wewe,
Karibu zaidi, Mungu wangu.**

**Yote unipayo yanivuta;
Pa kukaribia nitapata;
Na nielekezwe, karibu na Wewe.
Karibu zaidi, Mungu wangu.**

**Na kwa nguvu zangu nikusifu;
Mwamba, uwe maji ya wokovu
Mashakani niwe, karibu na Wewe
Karibu zaidi, Mungu wangu.**

**Na nyumbani mwa juu, Baba yangu
Nikinyakuliwa toka huko,
Kwa furaha niwe pamoja na wewe,
Karibu zaidi, Mungu wangu.**

153-Fikira Moja Tu
One Sweetly Solemn Thought
Doh ni B²

Fikira moja tu
Hurejea tena;
Nimekaribia mbingu
Zaidi ya jana.

CHORUS
Karibu na kwetu mbingu
Karibu na kwetu sasa,
Nikwone karibu.

Karibu na kwetu
Na kwenye makao;
Kiti cha enzi cha Mungu,
Pahali pa mto.

Kamilisha, Yesu,
Kuamini kwangu;
Nikifika mwisho wangu,
Nikwone karibu.

**154-Yanipasa Kuwa Naye
I Must Have The Saviour With Me
Doh ni E**

**Yanipasa kuwa naye, Mwokozi Bwana
wangu,
Akiwa karibu nami, napata nguvu kweli.**

CHORUS

**Moyo hauogopi, wala kutikisika.
Nitakwenda appendapo, kwa kuwa anilinda.**

**Yanipasa kuwa naye, kwani nategemea;
Anaweza kufariji na maneno matamu.**

**Yanipasa kuwa naye maisha yangu yote.
Yakiwapo majaribu na mashaka yo yote.**

**Yanipasa kuwa naye katika njia zangu;
Macho yake yaongoza hatua zangu zote.**

155-Njiani Huniongoza
All The Way My Saviour Leads Me (SDAH516)
Doh ni A?

**Njiani huniongoza, Yesu wangu, Mwokozi;
Rehema hatapunguza, Milele Kiongozi.
Ina raha kwandamana Duniani daima;
Nijaposumbuka sana, Yeye hutenda vyema.**

**Njiani huniongoza Hupunguza matata;
Nikiugua hupoza, Na njaani nashiba.
Lichokapo guu langu Nguvu zikapungua,
Jiwe lilo mbele yangu Hunibubujika.**

**Njiani huniongoza Kwa pendo zilizo kuu,
Mwisho atanituliza Kwake Baba yangu juu.
Nikivikwa kutokufa, Nikae na Mwokozi,
Nitamsifu sana; sifa: "Kweli ni Kiongozi."**

156-Uniongoze, Yehova
Guide Me O Thou Great Jehovah (SDAH538)
Doh ni G

**Uniongoze, Yehova, Ni msafiri chini;
Ni mnyonge, u hodari, 'Nilinde kwa mkono.
Unitunze, unilinde, Unionyeshe njia!**

**Na kisima cha uzima, Maji ya utabibu,
Fungua kwa moyo wangu, Ninywe na kuponyeka!
Uninyweshe, unilishe, Hata nimetosheka.**

**Wakati wa kuuvuka, Ule mto Yordani,
Hofu yangu ufariji, 'Nione uso wako.
Nyimbo shangwe, nyimbo shangwe, Nitaimba daima**

**157-Mfalme Yu Mlangoni
The Coming King
Doh ni G**

**Mfalme yu mlangoni, Ndiye aliyetufia;
Mara wote wampendao atawakusanya.**

CHORUS

**Yuaja, yuaja, mlangoni anasimama;
Anakuja, anakuja, Kuja kwake karibu.**

**Dalili za kuja kwake Zinazidi kutimizwa;
Karibuni wateule watamlaki Bwana.**

**'Sitafute duniani amani wala furaha,
Mpaka Bwana arudi dhambi kuondoa.**

**Tutakaa na Mwokozi makaoni ya milele;
Daima tutafurahi kuwa watu wake.**

**158-U Mwendo Gani Nyumbani?
How Far From Home (SDAH439)
Doh ni E☒**

**U mwendo gani nyumbani? Mlinzi akanijibu,
"Usiku sasa waisha, macheo karibu."
Usihuzunike tena, bali ulemee mwendo
Hata ushike ufalme kule mwangani juu.**

**Na tena niliuliza, nchi yote ikajibu:
"Sasa mwendo watimika, milele karibu."
Usihuzunike tena, ishara kuu zasonga
Na viumbe vyangojea sauti ya Bwana.**

**Nikamwuliza shujaa, ndivyo kanitia moyo:
"Shikilia mapigano, kitambo yaisha."
Usihuzunike tena, kazi ifanywe kwa moyo;
Tumeahidiwa tunu tuishapo shinda.**

**Siyo mbali na nyumbani! fikara tamu njiani,
Latupoza roho, nalo lafuta machozi.
Usihuzunike tena, kitambo tutakutana
Wenye furaha kamili nyumbani mwa Baba.**

159-Anakuja Upesi
How Sweet Are The Tidings (SDAH442)
Doh ni E?

**Anakuja upesi, Yesu Bwana wetu, Msafiri mbali na kwao;
Alisema dhahiri, "Nitakuja tena"; Amina; na uje, E Bwana.**

CHORUS

**Yuaja, Yesu atarudi sasa; anakuja duniani.
Wasafiri wote watapumzika Yesu anaporudi tena.**

**Makaburi yote wafu wanapolala Yatafunguliwa tena;
Na mamilioni pale wataondoka tena, Wasiona machozi
kamwe.**

**Hatutatengana na hao tena huko; Nyimbo nzuri tutaimba.
Watakusanyika 'toka kila kabila, Miguuni pa Mwana-
Kondoo.**

**Aleluya Amin! Aleluya Tena! Upendo wake unashinda!
Tutamsifu milele, hata tutashangaa, Jinsi alivyotukom-
boa.**

**160-Watakatifu Kesheni
Watch Ye Saints (SDAH 598)
Doh ni D?**

**Watakatifu kesheni, nguvu za mbingu zagonga;
Washeni taa tayari kwa kurudi kwake Bwana.**

CHORUS

**Yuaja, Yesu Mfalme, Yuaja mwenye fahari,
Yesu yuaja enzini. Karibu Yesu, uje.**

**Piga mbiu, tangazeni habari ya ukombozi,
Ya mponya wa upendo nayo nguvu ya samaha.**

**Falme nyingi zaangushwa, Panda ya saba hulia;
Tangaza neema yake kabla ya kupita saa.**

**Mataifa yapotea, nchi zajaa uchungu;
Kristo anaharakisha, Unabii unatimizwa.**

**Wenye dhambi njoni sasa, Kristo awapatanishe,
Mbio twaeni neema, kitambo muda waisha.**

**161-Piga Panda
Lift Up The Trumpet (SDAH213)
Doh ni A**

**Piga panda na ya makelele; Yesu yuaja tena!
Ipaze sauti, imba sana; Yesu yuaja tena!**

**CHORUS
Anakuja, Anakuja
Yesu yuaja tena!**

**Itoe mwangwi sana vilima; Yesu yuaja tena!
Yuaja kwa utukufu mwingi, Yesu yuaja tena!**

**Itangazwe mahali po pote, Yesu yuaja tena!
Mwokozi aliyetufilia, Yesu yuaja tena!**

**Kuona machafuko twajua Yesu yuaja tena!
Mataifa yakasirikiana, Yesu yuaja tena!**

**Maradhi, hofu hutuhubiri Yesu yuaja tena!
Taabu, njaa hutulilia Yesu yuaja tena!**

**162-Tumaini Liko
There Is A Blessed Hope
Doh ni F**

**Tumaini liko La thamani kuu,
Kupita anasa tupu zake ulimwengu.**

**Pana nyota nzuri: Nuru itoayo
Kwetu wakati wa kifo Ndio ufufuo.**

**Zikiumwa roho Na hofu, mashaka,
Sauti hutuambia Mungu hutupenda.**

**Kutoka Kalwari Sauti hunena;
Nyota ni nuru ya mbingu, Tumaini letu**

**163-Anakuja, Bwana Yesu
It May Be At Morn (SDAH207)
Doh ni D**

**Pengine ni saa ya kupambazuka,
Mishale ya jua ipenyapo giza,
Kwamba atakuja Yesu mtukufu,
Awapokee wake.**

CHORUS

**Bwana itakuwa lini Tutakapoimba,
"Anakuja, Bwana Yesu, Aleluya,
Amin, Aleluya, Amin?"**

**Pengine mchana, pengine jioni,
Pengine usiku wa manane, giza
Itatoweka kwa fahari akija, Awapokee
wake.**

**Majeshi yake yataimba 'hosana', Na
watakatifu waliotukuzwa
Watamsifu kwa kuwa amekuja
Awapokee wake.**

**Furaha tukiitwa pasipo kufa, Pasipo
kuona maradhi, machozi;
Kuchukuliwa winguni kwa fahari Akija
kwa watu wake.**

**164-Mishale Ya Nuru
Gleams Of The Golden Morning (SDAH205)
Doh ni G**

**Unakaribia wakati wa Kuja kwa Yesu,
Atawachukua watu wake Nyumbani juu.**

CHORUS

**Tunaiona mishale ya nuru Inayopenya
giza;
Tunaiona mishale ya nuru Ya ufufuo.**

**Injili inatangazwa pote Kwa mataifa;
Bwana wa Arusi atakuja Na tarumbeta.**

**Pamoja na malaika zake Bwana arudi,
Awapeleke waaminifu Wasife tena.**

**Wapenzi waliotengwa kale Watakutana;
Machozi yao wenye huzuni Yatafutika.**

165-"Uwe Imara"
Sweet Promise Is Given (SDAH600)
Doh ni G

**Ahadi tamu kwa waamini, Tazama nakuja
upesani sana.**
**Uwe imara, hatari kubwa: Ndugu usilale, bali
ukeshe.**

CHORUS
**Uihifadhi imani yako, -Dunia mpya
itatolewa.**
**Njoo ingia furaha yangu; Taji zinangoja;
Uwe imara.**

**Tutakesha na kutopa sala; Atakuja kama
mwivi kwa wengi;**
**Ya kwamba yu karibu twajua, Ila hatujui ni
siku gani.**

**Tunategemea Neno lake, Ambalo latangaza
kuja kwake.**
**Tumaini letu ni ahadi: "Naja karibuni, uwe
imara."**

166-Furaha Kwa Ulimwengu
Joy To The World (SDAH125)
Doh ni D

Furaha kwa ulimwengu, Bwana atakuja!
Kila moyo umpokee, Viumbe imbeni,
Viumbe imbeni, Viumbe vyote imbeni.

Na Bwana atatawala: Watu na waimbe;
Miti milima na mawe Kariri furaha,
Kariri furaha, Kariri furaha kubwa.

Atatawala kwa wema: Atawafundisha
Mataifa haki yake, Ajabu za pendo,
Ajabu za pendo, Ajabu za pendo lake.

**167-Yu Hai, Yu Hai
He Lives, He Lives (SDAH251)
Doh ni A☐**

**Yesu Bwana Mwokozi aishi milele,
Najua kwamba Yupo pamoja na mimi;
Sauti nasikia, Rehema naona;
Wakati namhitaji, yupo nami.**

CHORUS

**Yu hai, yu hai, Yu hai Bwana Yesu!
Atembea, Azungumza nami siku zote
Yu hai, yu hai, kutoa uzima!
Hivi ndivyo nijuvavyo,
Yu hai ndani yangu!**

**Ulinzi wake upo naona dhahiri,
Miguu ichokapo, sikati tamaa.
Najua an'ongoza kupita dhoruba,
Siku ya kuja Kwake nitamwona.**

168-Tarumbeta Ya Mwana
When The Trumpet Of The Lord (SDAH216)
Doh ni A

**Tarumbeta ya Mwana itakapolia mara,
Milele itakapopambazuka,
Nao wa haki watakapokusanyika ng'ambo,
Majina yaitwapo, lo!- niweko.**

CHORUS

**Majina yaitwapo, lo!-
Majina yaitwapo, lo!-
Majina yaitwapo, lo!-
Majina yaitwapo, lo!- niweko.**

**Siku ile watakatifu watakapoamka
Na kuondoka huru kaburini,
Watakapokusanyika makaoni kule juu,
Majina yaitwapo, lo!- niweko.**

**Tutende kazi kwa Yesu mchana kutwa kwa bidii,
Tutangaze kote pendo lake kuu,
Nayo kazi itakapotimika hapa chini
Majina yaitwapo, lo!- niweko.**

169-Tutashindaje Hukumuni?

When Jesus Shall Gather

Doh ni F

**Hapo Yesu atakapoita mataifa mbele yake,
Tutashindaje kwenye hukumu mbele ya kiti cha enzi?**

CHORUS

**Anakusanya ngano ghalani, atatupa mbali makapi;
Tutashindaje hukumuni siku kuu ya kiyama?**

**Je, tutasikia neno tamu: "Vema, wewe mtumwa mwema,"
Ama wenye uchungu na hofu tutakazwa ufalme?**

**Atakubali tu kwa furaha watoto wake wapendwa,
Atawapa mavazi meupe, wakae kitini pake.**

**Hivyo tukeshe, nasi tungoje, wenye taa zinazowaka;
Tutakapoitwa arusini tuwe tayari kumlaki.**

**Roho ikielekea mbingu twangoja wenye saburi,
Hata safari yetu iishe, tukae kwake milele.**

**170-Jina Langu Limeandikwa Je?
Lord, I Care Not For Riches
Doh ni A?**

**Siitafuti mali, wala utajiri;
Nataka kwa yakini nipate Mwokozi.
Chuoni mwa Ufalme, niambie Yesu,
Jina langu yakini limeandikwa, je?**

CHORUS

**Limeandikwa, je? Jina langu huko?
Kitabuni mbinguni, limeandikwa je?**

**Dhambi zangu ni nyingi, ni kama mchanga,
Lakini damu yako, Mwokozi, yatosha;
Kwani umeahidi: zijapo nyekundu
Zitakuwa nyeupe ilivyo theluji.**

**Mji mzuri sana, wa majumba makuu,
Walipo malaika, mji bila ovu;
Wakaapo walio na mavazi safi,
Limeandikwa sasa, jina langu huko?**

171-Hukumu
The Judgement Has Set (SDAH416)
Doh ni E?

**Imeanzishwa hukumu mbinguni; Tutasimamaje pale
Apimapo Mungu Hakimu kila wazo na tendo?**

CHORUS

**Tutasimamaje sote katika siku kuu ile?
Dhambi zetu zitafutika ama zitatuangusha?**

**Wametangulia wafu kupimwa, Kitambo ndipo wahai,
Watapokea neno la mwisho, Vitabuni mwa Mungu.**

**Tutasimamaje usiku ule, Siri zetu, kila moja,
Zafunuliwa toka vitabu; Yesu atusaidie.**

**172-Mfalme Ajapo.
Called To The Feast
Doh ni E?**

**Mfalme wetu atuita tukae karamuni kwake;
Itakuwaje nasi kule Bwana ajapo?**

CHORUS

**Bwana ajapo, ndugu, Bwana ajapo!
Itakuwaje na sisi, Bwana akija?**

**Atavikwa vizuri sana, taji badala ya miba;
Kweli tokeo la fahari Bwana ajapo.**

**Kwa furaha awakubali wenye mavazi ya arusi;
Tu wa heri tukimridhisha bwana ajapo.**

**Kukuwapo na utengo; watalia waliomwasi;
Cha kutisha kitambo kile Kristo ajapo!**

**Mfalme utupe neema sisi tunapokungojea,
Tusiogope kukuona ujapo Bwana.**

173-Hatujui Saa
We Know Not The Hour (SDAH604)
Doh ni C

Hatujui sa-a ya kuja kwa Bwana, Lakini
dalili zasema karibu
Atakaporudi,- lakini kwa kweli hatujui
sa-a.

CHORUS
Atakuja, kwa vile tukeshe;
Atakuja Mwokozi, Aleluya!
Atakuja kwa fahari ya Baba yake,-
Hatujui sa-a.

Pana nuru kwao wapendao haki, Pana
kweli katika chuo cha Mungu;
Unabii hufundisha kuja kwake,- Hatujui
saa.

Tutakesha na tutaomba daima, Tuta-
fanya kazi mpaka akija,
Tutaimba na tutasoma ishara,- Hatujui
saa.

174-Tukimngojea
We Know Not The Time When He Cometh
Doh ni E?

Sijui atakapokuja,
Mchana au usiku;
Labda sa-a ya alasiri,
Pengine ni alfajiri,
HUtuambia tuwe tayari,
Ta-a zetu tusizime;
Ili ajapo atukute;
Tuwe tukimngoja Yeye.

CHORUS

Tu---kimngoje--a,
(Kukesh, tunakungoja wewe)
Tu---kimngoje--a,
(Kukesh, tunakungoja wewe)
Tu---kimngoje--a,
(Kukesh, tunakungoja wewe)
Twakesha, twamngoja Yeye.

Nakumbuka huruma zake,
Bei ya wokovu wetu;
Aliacha nyumba tukufu,
Awafilie wabaya,
Ninadhani itampendeza,
Kama sisi watu wake,
Tukionyesha pendo lake,
Tuwe tukimngoja Yeye.

Ee Yesu, Mwokozi mpendwa,
Wajua nalihifadhi,
Tumaini la kukuona,
La kukaribishwa nawe,
Ukija kwa watu wengine,
Kama mhukumu wao,
Kwangu utakuwa rafiki,-
Nakesha, nakungojea.

**175-Uso Kwa Uso
Face To Face (SDAH206)
Doh ni B?**

**Nitaonana na Yesu, uso kwa uso kweli;
Siku ile shangwe tele nikimwona Mwokozi.**

CHORUS

**Tutaonana kwa macho, huko kwetu mbinguni;
Na kwa utukufu wake, nitamwona milele.**

**Sasa siwezi kujua jinsi alivyo hasa,
Bali atakapokuja, nitamwona halisi.**

**Mbele yake yafukuzwa machozi na huzuni;
Kipotovu kitanyoshwa, fumbo litafumbuka.**

**Uso kwa uso! Hakika palepale furaha;
Nitafurahi kabisa nikimwona Mwokozi.**

**176-Ati Tuonane Mtoni?
Shall We Gather At The River (SDAH432)
Doh ni E?**

**Ati twonane mtoni? maji mazuri ya mbingu;
Yanatokea mwangani, penye kiti cha Mun-
gu.**

CHORUS

**Naam, twonane mtoni! watakatifu,
kwenu ni mtoni!
Tutakutanika kule mtoni penye kiti cha
Mungu.**

**Tukitembea mtoni na Yesu Mchungwa wetu,
Daima tu ibadani usoni pake kwetu.**

**Tukisafiri mtoni tutue ulemeao
Wema wa Mungu yakini; una taji na vao!**

**Kwang'ara sana mtoni cha Mwokozi ni kioo,
Milele hatuachani tumsifu kwa nyimbo.**

**Karibu sana mtoni, karibu tutawasili,
Mara huwa furahani na amani ya kweli.**

**177-Kazi Yangu Ikisha
When My Life-Work Is Ended
Doh ni A?**

**Kazi yangu ikisha, nami, nikioka,
Na kuvaa kutokuharibika,
Nitamjua Mwokozi; nivukapo ng'amboni
Atakuwa wa kwanza kunilaki.**

CHORUS

**Nitamjua, nitamjua,
Nikimwona uso kwa uso;
Nitamjua nitamjua,
Kwa alama za misumari.**

**Kuona uso wake kutanipa furaha,
Furaha isiyo ya kukomesha;
Nitamsifu Mwokozi kwa rehema na pendo
Vilivyonipa pahali mbinguni.**

**Nao waliokufa katika Bwana Yesu,
Nitawaona tena huko juu;
Lakini nifikapo kwake huko mbinguni,
Nataka kumwona Mwokozi kwanza.**

**Milangoni mwa mji Bwana atanipisha,
Pasipo machozi wala huzuni.
Nitauimba wimbo wa milele; lakini
Nataka kumwona Mwokozi kwanza.**

**178-Ukingoni Mwa Yordani
On Jordan's Stormy Banks (SDAH620)
Doh ni G**

**Ukingoni mwa Yordani ninaangalia
Bara nzuri ya Kanaani, ninayotamani.**

CHORUS

**Tutakaa pamoja na Yesu,
Katika pwani yenye raha;
Tutaimba wimbo wa Musa na kondoo,
Milele hata milele.**

**Bara ile ina nuru, nuru ya milele;
Kristo, Jua, hutawala, hufukuza giza.**

**Nitapafikia lini na kubarikiwa,
Penye ufalme wa Baba na kumwona uso?**

**Furaha yangu rohoni ni kuchukuliwa;
Siyaogopi mawimbi katika Yordani.**

179-Watafurahi
O There'll Be Joy (SDAH430)
Doh ni G

**Wavunaji watafurahi, pale watakoporudi,
Wakiyaleta mavuno hata Yerusalemu.**

CHORUS

**Furaha, wataipata, furaha hata milele,
Furaha, wataipata, wakati wa mavuno.**

**Na siku ile tutaimba, kumshukuru na kumsifu
Bwana Yesu Jumbe wetu, kule Yerusalemu.**

**Wavunaji watafurahi makaoni mwa milele
Yaliyowekwa tayari kule Yerusalemu.**

**180-Pana Mahali Pazuri Mno
There's A Land (SDAH428)
Doh ni G**

**Pana mahali pazuri mno,
Twapaona kwa mbali sasa;
Baba yetu angoja pale,
Ampanga makao yetu.**

CHORUS

**Kitambo tu bado,
Tutakutana ng'ambo pale.
Kitambo tu bado,
Tutakutana ng'ambo pale.**

**Tutaimba pale kwa moyo
Nyimbo tamu za wenye heri.
Na rohoni hatutaona
Tena haja ya kupumzika.**

**Kwa Baba yetu mkarimu
Tutatoa shukrani sana,
Kwa kipaji cha pendo lake
Na baraka anazotupa.**

181-Tutakaa Mahali Pa Maji
We'll Tarry By The Living Waters
Doh ni E

Mahali pa maji mazuri ya uzima;
Anapotungojea Yesu tutakaribishwa.

CHORUS

Mahali pa maji mazuri, penye maji ya uzima;
Tutakaa na Mwokozi, chemchemi ya uzima.

Tunapochoka safarini, tamu kupumzika.
Panapo maji ya uzima yatufurahisha.

Una kiu? uje kwa Yesu, utaburudishwa;
Yesu yu maji ya uzima, unywe, uokoke.

182-Hapana Giza
No Night There (SDAH427)
Doh ni E

**Mchana hauishi Mjini mzuri;
Mji hautapita; Na hapana giza.**

CHORUS

**Machozi yatafutwa, Kifo hapana pale;
Hawahesabu siku, Na hapana giza.**

**Milango ni ya lulu, Mjini mzuri;
Dhahabu njia zake; Na hapana giza.**

**Milango haifungwi Mjini mzuri;
Mto ni wa uzima Na hapana giza.**

**Hawahitaji jua Mjini mzuri;
Mwana Kondoo nuru; Na hapana giza**

183-Yesu Anaporudi
There'll Be No Dark Valley (SDAH208)
Doh ni F

**Furaha na raha tutapata, Furaha na raha tutapata,
Furaha na raha tutapata Yesu anaporudi.**

CHORUS

**Yesu anaporudi (rudi) Yesu anaporudi (rudi);
Furaha na raha tutapata Yesu anaporudi.**

**Tutaimba nyimbo na shangwe kuu, Tutaimba nyimbo
na shangwe kuu,
Tutaimba nyimbo na shangwe kuu Yesu anaporudi.**

**Hapana Machozi arudipo, Hapana Machozi arudipo,
Hapana Machozi arudipo Kwa wateule wake.**

184-Panapo Pendo
Love At Home (SDAH652)
Doh ni A?

Vitu vyote ni sawa, panapo pendo;
Kila sauti tamu, panapo pendo.
Pana amani pale, na furaha nyumbani,
Siku zote salama, panapo pendo.

CHORUS
Panapo upendo-
Siku zote salama,
Panapo pendo.

Furaha i nyumbani, panapo pendo;
Hapana machukizo, panapo pendo;
Chakula ni kitamu, mashamba yasitawi,
Maisha ni kamili, panapo pendo.

Hata mbinguni juu, pana furaha
Wakiona upendo nyumbani mwetu.
Macho yanapendezwa na viumbe vya Mungu,
Naye Mungu huona, panapo pendo.

Ee Yesu niwe wako, wako kabisa,
Ndipo patakuwapo Pendo nyumbani;
Nitakaa salama, sitaifanya dhambi,
Nitabarikiwa tu panapo pendo.

185-Mungu Mapenzi Makamilifu

O Perfect Love (SDAH656)

Doh ni D?

**Mungu u mapenzi mkamilifu Yapitayo fahamu za watu,
Twanyenyekea sisi wapungufu, Wape baraka wapenzi
wetu.**

**Ewe Mapenzi yasiyotimika Twawaombea kitini Mwako,
Wape mapenzi yasiyotindika, Walioona mbele yako.**

**Ewe uhai, wewe u dhamana Ya imani na matumaini,
Wape kuvumilia hapa sana Wasiche maumivu
mwishoni.**

**Wape furaha hiyo iwezayo Kutia nuru kwenye huzuni,
Wape amani hiyo itakwayo Katika matata duniani.**

**Waende mbele kusaidiana Maisha yao ulimwenguni;
Hata mwisho, ni kuja kwake Yesu, Wafurahi milele
mbinguni**

186-Hatutaagana Tena

With Friends On Earth

Doh ni D?

**Tuonanapo na rafiki sote twafurahi,
Ila tumepaswa mwishowe kuagana tena.**

CHORUS

**Hatutaagana tena nyumbani mbinguni,
Kwenye nchi tamu juu, Hatutaagana.**

**Twatumaini kwa furaha tutaonana juu
Na rafiki tulioaga tuishapo shinda.**

**Kule hatutatamka kamwe neno la kuaga,
Tutaimba daima tena nyimbo za furaha.**

**187-Kufariki Naye Yesu
Asleep In Jesus
Doh ni D**

**Kufariki naye Yesu! usingizi wenye heri;
Raha isiyofujika kwa majonzi na adui.**

**Kufariki naye Yesu! lo! ya kubwaga simanzi
Na kulala na amani hata Bwana awatuze.**

**Kufariki naye Yesu! heri watakaoamshwa,
Wataona siku ile utukufu wake Bwana.**

**Kufariki naye Yesu! wataamka aitapo;
Watapasua kaburi na kutoka watukufu.**

188-Wimbi Litakasalo
The Cleansing Wave (SDAH332)
Doh ni E[?]

Wimbi la damu ya Yesu Linatutakasa;
Aliumia kusudi Tupate uzima.

CHORUS

Wimbi la damu naona, Naingia,
natakaswa!
Bwana asifiwe sana, Hutakasa, hutakasa.

Damu inasema kwangu, Nasikia mvuto;
Inasema, moyo wangu Hutakaswa nayo.

Naondoka kutembea Kwa nuru ya mbingu;
Mavazi yamesafishwa; Moyoni ni Yesu.

Neema ni ya ajabu, Kutakaswa ndani!
Na kuwa naye Yesu tu, Aliye Mwokozi.

**189-Tubatize Upya
Baptize Us A New (SDAH258)
Doh ni A?**

**Mimina upya nguvu toka juu;
Tupe pendo lako, ewe Mwokozi.**

CHORUS

**Twakusihi sana Yesu Mwokozi,
Tubatize upya, kwa Roho leo.**

**Kwako twalia, wenye maovu,
Osha moyo wetu, ututakase.**

**Kipaji cha juu, kitume kwetu,
Tubariki sasa, utufariji.**

**Isikilize, kwa moyo wazi,
Sauti ya Roho; ubarikiwe.**

**190-Raha Yangu Yote, Bwana
Forever Here My Rest Shall Be**

**Raha yangu yote Bwana, i mbavuni pako;
Mimi sina haja tena ila kifo chako.**

**Mwokozi uliyekufa, nawe ndiwe Mungu,
Kifo chako ni kwa dhambi, ziondoe kwangu.**

**Nioshe na niwe wako, nawe uwe wangu;
Nioshe damuni mwako liwe fungu langu.**

**Nioshe si miguu tu, osha tangu nyayo,
Hata kichwa changu juu, na ndani ya moyo.**

**Na iwe kafara damu, nifanyapo kazi,
Hata imani itimu, nikwone, Mwokozi.**

**191-Mkate Wa Mbingu
Break Thou The Bread Of Life
(SDAH271)**

Doh ni D

**Mkate wa mbingu mega kwetu,
Ulivyotoa kwa tenashara.
Katika kitabu, twakuona.
Moyo unatweta kukutana.**

**Neno la ukweli, libariki;
Tusikie mwito wa upole.
Vizuizi vyote vitakoma,
Tena tutapata uungwana.**

**Uzima na nguvu, utanena;
Nakimbiliza tu kufuata.
Lakini mnyonge ndiye mimi;
Naye Mshindaji ndiye wewe.**

**192-Mwamba Wenye Imara
Rock Of Ages (SDA300)
Doh ni C**

**Mwamba wenye imara Kwako nitajificha!
Maji haya na damu Yaliyotoka humu,
Hunisafi na dhambi, Hunifanya mshindi.**

**Kwa kazi zote pia Sitimizi sheria.
Nijapofanya bidii, Nikilia na kudhii,
Hayaishi makosa; Ndiwe wa kuokoa.**

**Sina cha mkononi, Naja msalabani;
Nili tupu, nivike; Ni mnyonge, nishike;
Nili mchafu naja, Nioshe nisijafa.**

**Nikungojapo chini, Na kwenda kaburini;
Nipaapo mbinguni, Na kukwona enzini,
Roho yangu na iwe Rahani mwako wewe.**

193-Sauti Yake Mchungaji
Hark! Tis The Shepherd's Voice (SDAH361)
Doh ni A?

**Sauti ya Mchungaji, ninasikia jangwani,
Kondoo waliopotea anawaita warudi.**

CHORUS

**Leteni, leteni, leteni toka dhambini;
Leteni, leteni, waleteni kwa Yesu.**

**Nani atakayekwenda amsaidie Mchungaji,
Awarudishe zizini, wasife bure gizani?**

**Usikose kusikia sauti ya Mchungaji,
"Kondoo waliopotea nenda na kuwatafuta."**

194-Twaomba Baraka Zako

Doh ni E?

**Twaomba, Bwana, umpokee kama mhudumu;
Ambaye anajitoa kuwa mtumishi.**

**Twaomba, Bwana, umpokee kama mhudumu;
Neno lako alitoe, Mwangaza kung'aa.**

**Mwokozi wetu, twaomba, na umwandikie
Kitabuni mwako juu Mjumbe wa injili.**

**Silaha zake apewe Kumshinda adui;
Vitani awe hodari, Mpaka mauti.**

**Yeye ashindaye, Bwana, kwa rehema yako,
Ile taji ya dhahabu, Nawe utampa.**

**195-Msingi Wa Kanisa
The Church Has One Foundation (SDAH348)
Doh ni D**

**Msingi wa Kanisa Ndiye Yesu Bwana;
Kiumbe chake kipya Akipenda sana;
Kutaka 'kitafuta Alishuka chini,
Naye kwa haja yake, Akafa Mtini.**

**Lina kila kabila Kisha ndiyo moja
Wokovu wake una Mwokozi mmoja;
Uzazi ni umoja, Moja tumaini,
Chakula ni kimoja, Moja tumaini.**

**Watu hustaajabu Kwa mashaka yote
Yaipatayo nje Hata ndani mwote;
Ila watakatifu Humwomba, wakikeshwa
Usiku ni kilio, Asubuhi raha.**

**Mashaka na taabu Hata vita vyake,
Vyangoja matimizo Ya amani yake,
Ndipo kwa macho yetu Twone utukufu
Kanisa ya kushinda Itastarehe juu.**

196-Vito Vya Thamani
When He Cometh (SDAH218)
Doh ni E

Kitambo Bwana yuaja, atafuta kote
Vito vya thamani kubwa; mali yake kuu.

CHORUS

Kama nyota tajini vitang'aa sana,
Vito vizuri kweli vyenye thamani.

Karibu atakusanya vito kwa ufalme,
Vizuri vinavyong'aa; mali yake kuu.

Watoto wote wadogo wampendao yesu,
Ndiyo vito ving'aavyo; mali yake kuu.

**197-Anipenda Ni Kweli
Jesus Loves Me (SDAH190)
Doh ni E?**

**Anipenda ni kweli; Mungu anena hili;
Sisi wake watoto kutulinda si zito.**

CHORUS

**Yesu Mwokozi ananipenda;
Kweli hupenda, Mungu amesema.**

**Kwa kupenda akafa niokoke na kufa;
Atazisafi taka sana ataniweka.**

**Anipenda kabisa; niuguapo sasa,
Anitunza mbinguni niliyelala chini,**

**Kunipenda haachi tu sote hapa chini,
Baada ya mashaka kwake tanipeleka**

198-Kaza Sana Macho
I Washed My Hands
Doh ni A?

Nilinawa mikono safi asubuhi,
Itende kazi kutwa kwa Yesu Mwokozi.

CHORUS

Kaza sana macho njiani kote,
Utende kwa Yesu kazi njema tu.

Natega masikio nitambue wasaa,
Mikono na itende upole daima.

Macho yangu yachunga mikono kazini;
Ilindwe maovuni impendeze Yesu.

199-Upendo Ni Furaha
Tis Love That Makes Us Happy
(SDAH579)

Doh ni A?

Upendo ni furaha, ni kweli desturi
Yake kuzisahihisha njia zetu zote.

CHORUS

Yu pendo: tu watoto wake,
Yu pendo, Mwana wa Mungu!
Na sisi tupendane kama Baba Mungu,
Amri yake ndiyo hii, kupendana sana.

Duniani huzuni, ugonjwa, mauti,
Kwa pendo tuwafariji wenye mahitaji.

Na atakapokuja kutuchukua juu,
Tutaimba milele pendo lake Yesu.

200-Baba Yetu Aliye Mbinguni
I'm So Glad That Our Father In Heaven

Baba yetu aliye mbinguni,
Amenifurahisha yakini;
Kuniambia mwake Chuoni,
Ya kuwa nami Yesu pendoni.

CHORUS

Anipenda, Mwokozi Yesu,
Anipenda, Anipenda;
Anipenda, Mwokozi Yesu,
Anipenda mimi.

Nimuachapo kutanga mbali,
Yeye yu vivyo, hupenda kweli;
Hunirejeza kwake moyoni,
Kweli yu nami Yesu pendoni.

Anipenda! Nami ninampenda,
Kwa wokovu alionitenda;
Akinifilia Msalabani,
Kwa kuwa nami Yesu pendoni.

**201-Hunipenda Pia
He Loves Me , Too
Doh ni F**

**Mungu huona videge wanaoanguka;
Akiwapenda videge, vile hunipenda.**

CHORUS

**Hunipenda, hunipenda, hunipenda pia;
Najua ananipenda niliye mdogo.**

**Rangi ya namna nzuri hupamba maua;
Akiyapenda maua, vile hunipenda.**

**Mungu aliyeviumba videge, maua;
Hatasahau watoto, kweli huwapenda.**

202-Sikia Mlio
Hear The Pennies Dropping

Sikia mlio! pesa koponi
Zinalialia--zote kwa Yesu.

CHORUS

Kuanguka kuanguka pesa koponi,
Kila moja kwako, Yesu zipokee.

Huanguka pesa toka mikono;
Sadaka kwa Yesu ya kundi dogo.

Tulio wadogo tuna haba tu;
Tuishapo kua pendo 'tazidi.

Wenye mali chache tumpe moyo;
Kwa furaha tupu atakubali.

203-Ya Saba Ni Kwa Yesu

The Seventh Is For Jesus

**Siku sita fanya kazi, Ya saba ni kwa Yesu.
Hapo tunapopumzika, kwani ni yake Yesu.**

CHORUS

**Moja, mbili, tatu, nne, tano, sita, zote kwetu;
Lakini tutakumbuka, Ya saba ni kwa Yesu!**

**Huonyesha ya kufanya, Kwa kuwa ni ya Yesu,
Na atuonyesha njia, tutamfuata Yesu.**

**Tuombe kila Sabato, Na kujifunza kwake;
Tutamtii daima, tutakaa na Yesu.**

204-Kuwa Na Yesu Nyumbani
Happy, Happy Home

Kuwa na Yesu nyumbani,
Furaha nyingi,
Furaha nyingi, furaha nyingi.
Kuwa na Yesu nyumbani.

Yesu yu ndani ya Baba,
Nyumba salama, nyumba salama,
nyumba salama;
Yesu yu ndani ya Baba,
Nyumba salama, nyumba salama.

Yesu yu ndani ya Mama...

Yesu ndani ya watoto...

**205-Msifu Mungu Ee Watoto
Praise Him! Praise Him (SDAH249)
Doh ni G**

**Msifu Mungu, Ee watoto wote,
Yu pendo, Yu pendo;
Msifu, Msifu, Ee watoto wote
Mungu ni upendo.**

**Tunampenda, Ee watoto wote,
Yu pendo, Yu pendo,
Tunampenda, Ee watoto wote,
Mungu ni upendo.**

**Tumikeni, Ee watoto wote,
Yu pendo, Yu pendo;
Tumikeni, Ee watoto wote,
Mungu ni upendo.**

206-Mwokozi Wangu Anipenda
Now I Belong To Jesus

Mwokozi wangu alinipenda,
Maovu hayanitengi naye,
Alijitoa, kuniponya.
Sasa mimi wake.

CHORUS

Mimi wake kabisa,
Naye Yesu wangu,
Si kwa wakati huu tu,
Bali ni milele.

Dhambini nilijidhili sana,
Yesu akaja kunikomboa,
Akanitoa sumbukoni,
Sasa mimi wake.

Furaha nyingi moyoni mwangu,
Bwana Yesu kunifanya huru,
Kunitwaa kwa damu yake,
Sasa mimi wake.

**207-Nani Afanya Maua
Who Makes The Flowers**

**Nani afanya maua, maua,
Nani afanya- Mungu juu.**

**Nani apambaye machweo, machweo,
Nani ayapamba- Ni Mungu.**

**Nani afanya theluji, theluji,
Nani aifanya- ni MUngu.**

**208-Nani Afanya Upindi
The Rainbow**

**Nani afanya upindi,
Namjua, namjua
Mungu afanya upindi
Nampenda kwa hiyo.**

**Mungu atuma upindi
Ni bora mweupe,
Mungu atuma upindi
Kwamba yu karibu.**

209-Napenda Sana Kufika
I Love To Come To Sabbath School

Napenda sana kufika, skuli ya Sabato
Napenda sana kufika, skuli ya Sabato

Napenda sana kuimba, habari za Yesu,
Napenda sana kuimba, siku ya Sabato.

Napenda sana kutoa, sadaka kwa Yesu,
Napenda sana kutoa, siku Ya Sabato.

Napenda sana kuomba, kwa Yesu, kwa Yesu,
Napenda sana kutoa, siku Ya Sabato.

Napenda sana kujua, maneno ya Yesu,
Napenda sana kutoa, siku Ya Sabato.

Napenda sana kusema, Fungu la kariri,
Napenda sana kutoa, siku Ya Sabato

**210-Roho Wa Mungu Wangu
Spirit Of The Living God (SDAH672)
Doh ni D[?]**

**Roho Wa Mungu Wangu, Nakuhitaji!
Roho Wa Mungu Wangu, Nakuhitaji!
Uniunde, na unijaze;
Roho Wa Mungu Wangu, Nakuhitaji!**

**211-Moyoni
(Into My Heart)**

**Moyoni, moyoni; Ingia moyoni, Yesu,
Njoo leo, njoo kukaa, Ingia moyoni, Bwana.
Moyoni, moyoni; Angaza moyoni, Yesu,
Ng'aa leo, siku zote, Angaza moyoni Bwana.**

212-Mtazame Mwokozi
Turn Your Eyes Upon Jesus (SDAH290)
Doh ni F

**Mtazame Mwokozi,
Usoni Mwake mzuri,
Mambo ya dunia hugeuka,
Uso wake tukiiona.**

213-Niwe Nao Uzuri Wa Mwokozi
(Let The Beauty Of Jesus)

**Niwe nao uzuri wa Mwokozi,
Nazo huruma Zake na usafi,
Roho Mtakatifu anibaddilishe,
Aonekane Yesu ndani yangu.**

**214-Nataka Niwe Tayari
(I Want To Be Ready When Jesus Comes)**

**Nataka niwe tayari, Bwana,
Nataka niwe tayari, Bwana,
Furaha za ulimwengu ni bure;
Nilinde hata uje!**

**215-Ulimwengu Wataka
(What The World Needs Is Jesus)**

**Ulimwengu wataka kumwona Yesu;
Ulimwengu wataka kumwona Yesu;
Analeta furaha, shangilio kutosha,
Ulimwengu wataka kumwona Yesu.**

**216-Moyoni 'Nijaze
(With Thy Spirit Fill Me)**

**Moyoni 'nijaze
Na Roho wa Yesu;
Nataka kujitoa,
Moyoni 'nijaze.**

**217-Omba Sana Asubuhi
(Whisper A Prayer In The Morning)**

**Omba sana asubuhi,
Omba sana mchana,
Omba sana na jioni,
Bwana hutusikia.**

**Mungu hujibu maombi,
Asubuhi na mchana,
Hata hutungojea tena,
Wakati wa jioni.**

**Na tuimbe asubuhi,
Tena saa za mchana.
Hivi tutafurahi naye
Pumziko la jioni.**

**218-Yesu Mwokozi Mpendwa
(Wonderful, Wonderful Jesus)**

**Yesu Mwokozi Mpendwa
Hakuna mwingine!
Yesu Mwokozi Mpendwa,
Yesu Mwokozi Mpendwa,
Nakutazama Wewe pekee,
Yesu Mwokozi Mpendwa,
Ninakutafuta;
Wewe u mali yangu.
Sasa na milele.**

**219-Pambazuka Nuru
(There's A New Day Dawning)**

**Pambazuka nuru,
Siku mpya yaja,
Basi amkeni na kuimba,
Ninyi nyote!
Pambazuka nuru,
Siku mpya yaja,
Yesu atakaporudi kama Mfalme!**

**220-Kwa Heri
(Goodbye Chorus)**

**Kwa heri, Mungu awalinde;
Kwa heri, na awaongoze;
Kwa heri, na kuwapa amani,
Bwana abariki.**